

पुर्खा दय्क तकगु सम्पत्ति, भीगु कला व संस्कृति  
**पिकाक-भक्तपुर नगरपालिका**



पुर्खा दय्क तकगु सम्पत्ति, भीगु कला व संस्कृति

# ख्वप

नेपाल संवत् ११३९ गुँलागा: / २०७६ भदौ १५ / 2019 Sept./ ल्या:२०, दौं:१



पिकाक - ख्वप नगरपालिका / सम्पादक - आशाकुमार चिकंब्जार

थाकू - भक्तपुर अफसेट प्रिन्टर्स

फोन ल्या: - ०१-६६१००९६

इ-मेल - bhaktapurmuni@gmail.com

**क्यान्सर अस्पतालया न्हुगु ब्यवस्थापन समिति चवड निर्देशन  
वियोदिसे नगर प्रमुख सुनिल प्रजापति (२०७६ मदी १ गते)**



**क्यान्सर अस्पतालया विषयसं जुगु पत्रकार सम्मेलने मःपुं  
पत्रकारपुं नपां मे मे पुं (२०७६ मदी ६ गते)**





; DkfbSlo

@)&amp;^ efb!%, c^a\$ @), jif!@

## क्यान्सर अस्पताले जुयो च्वंगु अनियमितताया विरुद्ध नगरपालिकां छिगु पला: सकारात्मक

भक्तपुर क्यान्सर अस्पतालया न्हाया व्यवस्थापन समिति वा पदाधिकारीपिसं अपलं आर्थिक अनियमितता यागु समाचार सार्वजनिक जुसेलिं स्थानीय जनता व अस्पताले ज्या साड च्वंपु चिकित्सक कर्मचारीपिनिगु आग्रहवसेलिं ख्वप नगरपालिका कार्यपालिका या बैठक च्वड २०७६ साउन ३० गते नगरप्रमुखया नायोलय भक्तपुर क्यान्सर अस्पताल व्यवस्थापन समिति निस्वान । अपःसिनं आश्चर्य प्वंकसां समाज सेवाया नामय् स्थानीय, केन्द्र सरकार जक मखु थी थी मे मेगु देशनपां आर्थिक-भौतिक ग्वाहाली बियो उगु क्यान्सर अस्पताल दय्कगु खः । वहे संवेदनशील संस्थायाता थःगु स्वार्थ सिद्ध याड दुरु न्ह्याय् दःम्हा मैचाथे याड वयो च्वंपु गैर सरकारी व अन्तर्राष्ट्रिय गैर सरकारी संस्था सञ्चालक पिनि धःसा नगरपालिकां छिगु पलाखं न्ह्यौमवल जुई ।

ख्वपे क्यान्सर अस्पताल सञ्चालन याय्ता २०५८ साले भ.न.पां. ५-४-०-० जग्गा व उकिलिपा नं लाखौं आर्थिक ग्वाहाली याड वयो च्वंगु खः । जग्गा ब्यूबलेया सम्भौता काथं क्यान्सर अस्पताले छुं नं संघ-संस्था वा व्यक्तित्ता लः ल्हाय् दैमखु अले उगु जग्गाख्य् छुं नं संरचना दय्के, दाने माल धःसा नगरपालिकाया नियमानुसार नक्सा पास याड दय्के मःगु शर्त त दःगु खः । क्यान्सर अस्पतालया नामे नगरपालिकां ब्यूगु जग्गाख्य् उगु शर्तया अखः अर्बुद रोग निवारण संस्थां उपयोग याड च्वंगु, नगरपालिकाया नियम विपरीत नक्सा मतसें भवन निर्माण याड च्वंगु, अपलं आर्थिक अनियमितता जूगु खाँ ब्य ब्य जुसेलीं नगरपालिकां छुं नं छुं याय्गु बाध्य जुयो थुगु पला छियमःगु खः । अस्पतालया चिकित्सक, कर्मचारीपुं आर्थिक अनियमितता याड च्वंपु व्यवस्थापन समितिया पदाधिकारी खड तस्कं असन्तुस्ति प्वंक च्वंगु, नपां जनतात तस्कं तपिकायो च्वंगुई याता नगरपालिकां इलय हे म्वय मफुत धःसा बाँमलागु घटना जुइगु खाड नगरपालिकां थुगु पला छिय मःगु खः । गुकिं अस्पतालय् वय हे तांगु छगू सडकट ब्यंगु दः ।

क्यान्सर अस्पतालया पदाधिकारी बिमल होडां अस्पताले लच्छीया २६,५०० तका दां बियगु धायो ३७ म्हा सफाइ मजदुर थःगु हे भरोसा सर्भिसेजपाखें तयो अमिता लाहातय् १३००० तका दां जक बियो छम्हासिके लच्छीया १३५०० तका दां थमनं नयो चरम श्रमशोषण याड च्वंगु, ल्याव सञ्चालने छुं दाँ न्ह्यो तक ५६ प्रतिशत अस्पतालता बाँकी सञ्चालनकर्ताता बियो वयो च्वंगुलि कर्मचारी व्यवस्थापन, ल्याव सञ्चालकं हे याड वयो च्वंगुलि व्यवस्थापन समिति अध्यक्ष, महासचिव लगायतपुं मिले जुयो २०७४ सालनिसें ४५ प्रतिशत जक अस्पतालता दैगु व कर्मचारी नपां अस्पतालं तय्मःगु याड न्हूगु सम्भौता दय्क अस्पतालता महिनाय् लाखौं लाख द्याकगु, संस्थाया वार्षिक कारोवार १६ करोड स्वयो च्वय् जुयो च्वंगुलि १ करोड जक क्यंगु, सिटिस्क्यान याइपुं विपन्न मनु तय्गु सिफारिस जक ९६ लाख स्वयो अप्वः दःगुलि मेगु फुक्क याड ८२ लाख जक क्यड चरम अनियमितता यागु खाँ सार्वजनिक जूसेलीं जनप्रतिनिधि संस्था ख्वप नगरपालिकांया पदाधिकारीपिसं थःगु लागाने जुयोच्वंगु बेथितिया बारे अस्पतालया पदाधिकारी पिंके न्यनेकाने याय्दक पटक-पटक सम्पर्क याडा नं सम्पर्क वय चाहे मजूसें अत्तेरी जुयो च्वंसेलीं नगरपालिकां बाध्य जुयो न्हूगु व्यवस्थापन समिति निस्वाने मःगु खाँ नगरपालिका स्रोत जानकारी ब्यूगु खः ।

न्हूगु व्यवस्थापन समिति गठन लिपा जनताया दथवी सन्तोष दःगु व नगरपालिकां भिं याइ धाय्गु विश्वास प्वंकगुया छगू दसु १३ भाद्र २०७६ या सरकारया ख्वःपौ गोरखापत्रं 'भक्तपुर क्यान्सर अस्पताले विरामी तय्सं अः सहज (अपुक) सेवा कायो च्वंगुदः' धाय्गु छ्यो (शीर्षक) या च्वसु ख्य थथे च्वयो तल- 'न्हूगु व्यवस्थापन निस्वाने धुंकि न्हिं १० गू तक थाकुगु (जटिल) शल्यक्रिया जुयो च्वंगु, न्हा ८० म्हाजक बिरामी भर्ना जुइगुलि अः १२० म्हा भर्ना जूगु खाँ मेडिकल डाइरेक्टर ऋषिनारायण श्रेष्ठ जुं जानकारी बियो दिल ।

भक्तपुर क्यान्सर अस्पतालया विषय सडकनिसें सदनतक चर्चा जुयो च्वंगु दः । ख्वप नगरपालिका व पुलांगु व्यवस्थापन समिति दथवी विवाद जूसं बिरामी पिनिगु सेवाख्य् भ्या भाति हे पंगः थःमव दक न्हूगु व्यवस्थापन समितिया पदाधिकारीपुं तस्कं हे सचेत जुयो च्वंगु दः । बिरामी पिनिगु सेवा याता हे न्हापांगु प्राथमिकता बियो मदिकक पला न्ह्याके फैं धाय्गु आशा व भरोसा काय् ।



# भाद्र ९ या भक्तपुर काण्डबारे अपलं खोजविन याय्मः



## ■ नारायणमान बिजुक्छें

महाधिवेशन) या कार्यकर्ता जक मखु नेम्हा पेम्हा केन्द्रीय दुजः पुं नपां नेमकिपाया विरुद्धय पञ्चायत नपां लाहापा स्वाड छाया वला ज्वी ? व गजगु संयुक्त मोर्चा जुई ? भतिचा दुवाल स्वइपिसं बांलाक थुयमः ।

सर्जमिनया दिन खुनुं नपां व प्रजातन्त्रवादी व कम्युनिष्टत धःपुं नपां पञ्चायतया पाःलिड षडयन्त्रयाता ग्वाहाली याड प्रतिक्रियावादी तय्गु भवःले चवड षडयन्त्रकारीपिन्ता ग्वाहाली याड चवना । अले प्रहरी हिरासते ने.वि.संघया नरेन्द्र जोशी व बालकृष्ण खाँदयाता जिमिगु स्थितिया बारे स्पष्ट जानकारी बिया । संभवतःवहे जिमिगु स्पष्ट स्थितिया जानकारी कृष्ण प्रसाद भट्टराई, गणेश मानजि व गिरिजा प्रसाद कोइरालाथाय् थ्यंगु जुयमः ।

तुल्लिलाल अमात्य, शम्भुराम श्रेष्ठ व मे मेपुं वामपार्टीया नेता तय्ता ख्वपया पञ्च व कम्युनिष्टत नपां छगाथी चिक नेमकिपाया विरोधय् भुठा प्रचार यागु खः । थौं व पञ्च कम्युनिष्टत एमाले व एमाओवादीया सिन्हं तिड नेकपाया इमान्दार नेता व कार्यकर्ता जुयो पिलुयो चवंगु दः ।

संभवतः ख्वपे प्रजातन्त्रवादी व कम्युनिष्टत नेमकिपाया विरोधया प्रतिक्रियावादी षडयन्त्रे खाली निर्वाचनया निस्ति व ज्यापु ज्यामित छप्पा जुयो ल्वाड चवंगु सहयाय् मफयो मण्डलेत नपां मिलेजुयो विरोध यागु खः । थःगु चरित्र क्यड ज्यापु ज्यामिया विरुद्धय मण्डलेत नपां मिले जूगु खः ।

थजगु प्रजातन्त्र विरोधी सिद्धान्तहीन व विश्वासघाटी एकता ख्वपया छगू स्थानीय निर्वाचनया इलय् छगूहे संयुक्त

२०४५ साल भाद्र ९ गते पञ्चायती सरकारया प्रतिगामी पला व भक्तपुर काण्डबारे गुलिं लिस दगु व गुलिं लिसः मालेमःगु न्ह्यसः त ल्यं दःनि ।

ख्वप नगरपालिकाया जनप्रतिनिधि पासापिसं भवखा बवयो छें दुड दुःख जुयो चवंगु भूकम्पपीडित पिनिगु छें छें वाड सेवा याड चवंगु, अले गुलि क्षति जुला ? अः पुनः निर्माण याय्ता अपा, सिं व मेमेगु निर्माण सामग्री गुली माली दक अन्दाजयाड चवंगु इलय सहयाय् मफुपुं ख्वपया स्वार्थी, प्रतिगामी व दुष्ट पिसं सरकारता चुक्लि याड, खगुं मखुगु खाँ काड- 'नेमकिपां पक्षपात याड थःपुं कार्यकर्तापिन्ता लाखौं-करोडौंया राहत व मेमेगु ग्वाहाली याइगु जुल दक' चवय्या शासक पिके ग्वाहाली फवँ वाना ।

उब्लेया मरिचमान सरकारं ख्वपया कौंठे व नगरया दुष्टत मुं कटुञ्जे चवङ्गु षडयन्त्र बैठकं घटनायाता राजनैतिक रङ्ग बिल । अले इमानदारपूर्वक देश व जनताया सेवा याड चवंगु जनप्रतिनिधि

पिन्ताभुठ्ठा मुद्दाय् लाकेता बः गात ।

उगु घटनाया नेला स्वला हाँ हे नगरकोटे जूगु युवा मण्डले तय्गु बैठकं नेमकिपाया विरोधे षडयन्त्रया जः प्यनेगु निर्णय यागु खः । उकिं छम्हा जानकारं धः काथं भवखा मबवसां नेमकिपाया विरोधे छुं नं छुं न्ह्याथेयाड जूसां छगू नं छगू षडयन्त्र याड हमला याय्गु अमिगु गवसः दःगु हे खः । अमिसं षडयन्त्र याइगु हे खः । भवखा बवयो राहतइयगुयां छगू षडयन्त्रता हछ्याय्ता अःपुक पञ्चायती सरकारं कःगु छगू अवसर जक खः । त्वहः चिड वहः मगु जक खः । छें वम्हा मनूता घः पाछाय्क खुँ याय्ता स्वगु थें जःगु अवसर जक खः ।

छगू स्वत्तुमत्तुस्वःगु न्ह्यस छुले धःसा -उब्लेयाप्रधानमन्त्री मरिचमान सिं व राष्ट्रिय पञ्चायत वा विधान पालिकाया अध्यक्ष थःहे सडके क्वहँ वयो '... फाँसी देऊ' या माग यासे वगु जुलुसे प्रजातन्त्रवादी, नेपाली कांग्रेस कम्युनिष्ट धःपुं माले अः याय्पुं एमाले व जनमोर्चा (चौथो)



कार्यालय दय्क नेपाली कांग्रेस, एमाले व राप्रपाया भण्डा ब्यक्कगु खः । शान्तिपूर्ण निर्वाचने गोली कय्के बियो मतपत्र नपां लुटेयाड निर्वाचने नेमकिपाया विरुद्धय अनेक धाँधली व गुण्डा गर्दी याता । अले सूर्यचिंख्य छाप तयो कांग्रेस उम्मेदवारता त्याक बिया वा सिमा चिं वा हलो ख्य छाप तयो राप्रपा वा एमाले उम्मेदवारता भोट बियाजक गनां हे मरुगु जात्रा हाँडी गामे धःथें गाईजात्रा यागु फुक्क सिनं स्यू ।

उकिं न्ह्यसःदाँ वई -शान्तिपूर्ण निर्वाचन स्यक, निर्वाचन मजुइकेगु वा मयाकेगुलि छु प्रजातान्त्रिक पद्धति बल्लाई ला ? सत्य अथे हे खः सा जनतन्त्र व गणतन्त्रया अःया नकारात्मक परिस्थितिया खाइगु सबः अःभीसं कायो च्वडा । उगु मिफंसं दायो वर्तमान सिइ सिइ तुल च्वना । थजगु परिस्थिति ह्यगुलि सुयागु लाहा द? थुकिया दोषी सु ?

छगू थासय्या छकया निर्वाचने स्थानीय तहया चुनावे जगू त्या -बू खं देशया प्रजातन्त्र व भविष्य निर्धारण याइमखु बरु दां दांतक यागु प्रजातान्त्रिक संघर्ष व राजनैतिक नैतिकताजक प्रजातन्त्र बल्लाई । अले राजनैतिक ब्यवस्था ता ई तक म्वाई । स्थायित्व दई । थौया थाते मलागु पला, थजगु अस्थिरता, धेबाया निंतिं याइगु सेवा थजगु आर्थिक अराजकता व न्याय ब्यवस्था दुने खाने दःगु अस्वस्थतात फुक्क राजनैतिक दलतयसं याड च्वंगु अवसरवादीता सिद्धान्तहीनता अले मात्र चुनाव्य त्याक वानेगु लक्ष्य ज्वड धेबा हवल, भुठ्ठा आशवासन इड याइगु अनेक चलखेल नपां देशया स्वार्थ स्वयो थःगु स्वार्थया निंतिं सार्वभौमिकता बन्धक तयो देशी-विदेशीत नपां मिलेजुयो याइगु चलखेल, भ्रष्टाचार व अनियमितता याड च्वंपु हे थौया अवस्थाया जिम्मेवार खः ।

मेगु न्ह्यसः छु ले धःसा-वरिष्ठ व मेपुं कानून ब्यवशायीत अले मानव

अधिकारवादीत मदन मणि दिक्षित, गोविन्द वियोगी थजपुं पत्रकारपुं, प्रजातन्त्र पुनः स्थापनाया लागिं मिलेजुयो संयुक्त आन्दोलन याइपुं वामपार्टी त मेपुं प्रजातन्त्रवादी त छाय् म्हुति धौ फिड लाहा प्वःचिड च्वना ?

जिल्ला जिल्लाय् राजनैतिक व सैद्धान्तिक रुपं तस्कं चिच्यामन पुं कार्यकर्तातयगु कारणं हे अथेधाय्गु नेमकिपाया नेतृत्व व संगठन ध्वस्त जूस आनायायपुं कार्यकर्तात थःगु पार्टी दुथ्याके दैगु चिच्या मनया चिच्याहांगु स्वार्थ दःपुं कार्यकर्तात अले तःतहांगु वा लिपाथयंकया दीर्घकालीन हितयाता विचःमयाइपुं कार्यकर्ता तयगु दवाबअमिगु मखुगु चाकुगु माकुगु खाँ न्यड केन्द्रीय नेतात भुकेजगु अनुमानयाय् थाकूमजु, थव स्वाभाविक काथं सिय दः ।

नेमकिपां थौं तक सुनं वामपार्टी व मेपुं प्रजातान्त्रिक पार्टी तयगु सैद्धान्तिक व राजनैतिक आलोचना व खण्डन बाहेक ब्यक्तिगत लान्छना व मेपिनिगु संगठनता स्यंकेगु व कार्यकर्तातयता लुयो कायगु ज्या यागु मरु । अले मेमेपुं फुक्क वामपार्टीतयसं नेमकिपाया विरुद्धय अजगु क्वह्यंगु गतिविधित याड गुणया बदला बैगुनं पुल च्वंगु दः । मुले तयो न्ह्यले स्याड च्वंगु दः ।

जिमिता फाँसी बियमःगु काथं देश व जनताया विरोधय नेमकिपां छु छु मज्यगु ज्या याता ? सरकारया विरोध याय्गु व थःगु विश्वासया आदर्श समाज दय्केगुलि सिद्धान्तया प्रचार याय्गु हरेक राजनैतिक पार्टीतयगु नैसर्गिक अधिकार खः । थुगु हे न्ह्यस जिं जेलं त्वःत ह्य धुडानिं जुजु नपां नपालाडाबले न्यडागु खः तर थुकिया लिसः मव । अले पृथ्वीनारायण शाहं स्वनिगः त्याक कःगु २२५ दाँ दत । छु अःनं जि पुं विदेशी हे खःला? जिमिता ज्वड यंके धुंक्क जिमिता हिरासते युद्ध बन्दी तय्ता थें अपमान याता अमानवीय ब्यवहार याता, फाँसी बियमाय्क जिमिसं देशया विरुद्धय छु ज्या

याता ?

उलिजक मखु २०४५ साल स्वयो न्हपा २०३६ साले प्रबासं ल्याहाँ वयानिं छम्हा कुटनैतिक ब्यक्ति नपां नेक-प्यक नपालाता । बयकं जिद्दी याड धायोदिल-राजनैतिक नेतां मेगु पक्ष व विरोधी नपां नं वार्ता व छलफल याड थःगु खाँ न्यंके फय्मःगु खः । उगु कलाया विकास याय् फय्केमःगु खः । देश विदेशया अनेक उदाहरण बियो छलफल जुय् धुंक्क नपालाय्गु थाय् व ई क्वजित ।

निर्णयकाथं सुथायसिया १० ताइलय् नपालाय्गु खाँ क्वःजित । उखुनुनं सुथाय ९ ता इलय् उम्हा कुटनीतिक पासाया फोन वल । थौयाभीगु १० ताइलय् जुइ धायागु ज्याइवः मजुइगु जुल । जिछिता आंका हे वयो खाँ काने । वयकलं धायो दिल । दरवारं थथे क्व छिय् धुंगु ज्याइवःस्थगित यागु थव न्हपांगु खः । प्रहरी, गुप्तचर विभाग व प्रशासन फुक्क बाधक जुल , पंगःजुयो बिल । रोहित धाय्म्हा बम दय्किम्हा, पेस्टोल ज्वड जुइम्हा तस्कं ग्यापुम्हा छम्हा आतंकवादी खः ... अनेक अनेक खःगु मखुगु खाँ कड उगु ज्याइवः स्थगित याकगु जुयोच्वना ।

अले जिं छु सिया धःसा ख्वपयाम्हा अःनेकपाया नेता म्हेगःया पञ्चत न्ह्याब्लें सुथाय सेनाया कमाण्डर इन चिफ प्रहरी व गुप्तचर विभागया आइ जि. नेकपाया केन्द्रीय स्तरया ब्यक्तिं धःम्हा सें थवहे कुनीतिया ज्या साड च्वंगु दः । थुकी जात-जाति भाय् व साँस्कृतिक भेदया मिस्यामि नाव थें नावगु गन्ध दः । मसान नावथें नावगु बाँमलागु गन्ध दः । पदय् च्वनिपुं मनूत साम्प्रदायिक भावना त्वःत च्वय च्वने मफुसा मखुगु गलत तत्वं फाइदा कायो वयो च्वंगु खाँ सकल भुक्तभोगी तयसं स्यू । ओलिया छँ बालकोटे ह्यगुलिनं थजपुं हे तत्व तय्गु लाहा दः ।

पेंगूगु खाँ खः भ्यालखानाय् कुड तः बले सायद महारानीया बुदिं खुनुं



## स्वप पौ

महारानीया तस्वीरे स्वमः क्वखायके बियता चौकी वा भाइनाइकेनं जितासःतल । जिं लिसःबिया-जिपुं ज्यानमाराया अभियोग लाड च्वंपुं जिमिगु लाहा शुद्ध मवानि । उकिं जिमिसं स्वमः क्वखायके मज्यु । लिपा हकनं वयो सःत वला । न्ह्यागु जुसां बःचा हाकः छत्वचा जूसां न्वचु बियमाला जक धाल । जिं लिसःबिया-गुब्लेतक दरबार व जनताया दश्वी जेलेथे तःतःजःगु पःख ल्यं दैतिनि उब्लेतक देश व जनताया विकास जुय फैमखु । उकिं उगु पःखयाता थुयमः ।

कन्हेखुनुं खबर वल दाइनं जेलया पःख तछ्यायगु, जेले च्वंपुं कैदी तयगु मन स्यंकेगु भाषण ब्यूगुलिं गोलधरे तयगु खाँ न्यने दः जक जिता न्यंकल ।

केन्द्रीय कारागारे रामराजाया वमकाण्डया पासा पुं नपां राजबन्दी जूगुलिं अपुं नपां सुनं नुवाय दैमखु दक निगरानी याड च्वंगु खः । आशाकाजी बासुकलां अपुं नपां आतंकवाद व क्रान्तिया भिन्ताबारे खँल्हा बल्हा यो वानिगु । राजनौतिक कार्यकर्ता जुडपुं केहेँ-किजापिनिगु नामय्या पौं (राजनैतिक कार्यकर्ता बने भाइबहिनीलाई चिठी) सान्द्रस व डाक्टर ब्वनिपुं क्येहेँकिजा पिन्ता पौ (साइन्स र डाक्टरी पढ्ने भाइबहिनीलाई चिठी) थजगु सरल थुइके अःपुगु साहित्य ज्वड बासुकला अमिथाय वानिगु ।

जेले दशमी व अन्योगु हे मे मेगु नखा चखाख्य पिनेनं बन्दी तयता लाः तयो भति भति नयगु नसात इड विडगु चलन दःगु जुयो च्वना । एमाले, नेपाली कांग्रेस, जनमोर्चा (चौथो महाधिवेशन) या पासापुं नपां नं बम काण्डया पासापिन्ता नं अजगु भाग अमितानं वियमः धायगु खाँ न्हिथाडा । मेपुं सुहे मानेमजुसेलिं जिमिसं जिमिगु भागं लिकायो भ्नी पासापुं पाखें अमिथाय थ्यंका । अमितानं नखाया भाग बिया । पासापिनिगु तर्क छु धःसा बमकाण्डया पासा पिसनं थःगु छँ व

थःपरिवारया निंतिं अले लबःकायो नयगु मतिं थःगु ज्यान पाड म्हवस्ते जातः तयो गतिविधि यागु मखु बरु राजनैतिक परिवर्तनया लागिं ज्या सांगु खः । अथे हे जेलेदुने छुं नं राजनैतिक दलनपां फुक्कका फुक्क खाँ सुनपां मिले मजु । थजगु खाँ तयो कारागारया हाकिमं जिता कार्यालय सःत बमकाण्डया बन्दीत नपां नपालाड सतिक जुयदैमखु जक चेतावनी बिला । जिमिसं असहमति प्वंक थुकिया विरोध याडा -अपुंनं राजनैतिक बन्दीत खः । थथेयाड नेताजि व्यवहारयाड अन्याययात धःसा गलत जुइ । सरकार अले गृहमन्त्रालयता नं धायो ब्य थजगु ब्यबहारं देश टुक्रा जुइगु सम्भावना अप्वः दै । थजगु म्हुतुप्वः तिडगु लिसः खं अमिके मेगु उपाय मदयो जिता गोलधरय् तयगु धम्कि विडगु । थव नं छगू आतड्क हे खः ।

लिपा जिपुं जेलं प्याहाँ वयानिं कृष्ण प्रसाद भट्टराईया प्रधानमन्त्रीत्वखय सरकार दयकालिं बमकाण्डया पासापिन्ता नं त्वतकेता जुजु, प्रधानमन्त्री व गृहमन्त्री नपां नं खाँ ल्हाडा । पटनाय् वड रामराजा प्रसाद सिंहयाता नं नेपालय् ल्याहाँवा दक खाँ ल्हाडा ।

अथे राजनैतिक बन्दीपिन्ता भेदभाव याडपुं हे थौं सरकारया च्वय् च्वय्या पदे च्वड शासन याड च्वंगु दः । देश छपला-छपलायाड विखण्डनया लौपुइ वड च्वंगु दः । भन भन गालय दुड च्वंगु दः । सत्ताय् च्वड मातेजुयो च्वंपुं मनु तयसं थजगु खाँ वा चःगु हे मखु । नेमकिपा प्रतिपक्ष च्वड च्वंगु दः । जिमिसं बहुदलीय प्रजातन्त्रयाता प्रयोग याड च्वडा । प्रमुख प्रतिपक्ष दल खाली भागवण्डाख्य जक ब्वक जुयो वहे ज्याख्य लय् तायो च्वंगु दः । प्रजातन्त्रया छु नं अर्थ मरु, मस्यु ।

उलिमछिं जुय धुडानं अजगु अपलं उदाहरण थःगु हःने दयानं अपुं गुधानी चाकु नयानं चाकु सब मथुपुं मनूथे खः दक

सरकारया नेतृत्व याड च्वंपिन्ता धायफः । थौंया देया तहांगु ल्वय्-भ्रष्टाचार, अनियमितता, ब्यक्तिगत स्वार्थ, खासा स्वयो बुलुहं विकासया ज्या न्त्याक च्वंपुं ठेकेदारत, हाकु ब्यापारीत, गुं छयाडपुं वन तस्करत, विदेशी पुँजीया ऐजेन्टत खः । अले सरकारया नेतृत्वकारी तयता शत्रुता मित्र व मित्रता शत्रु खानिगु ल्वय् जुयो च्वंगु दः । भाद्र ९ गते या भक्तपुर काण्ड खय् नं दल तयगु स्थिति थथे हे खाने दः । थथे छाय् जुला ?

डागूगु खाँ मरिचमान प्रधानमन्त्री पदं लिकाय धुंक ख्वपय् वयो थःगु अनुभव काड भाद्र ९ गते जूगु काण्ड बारे सफाइ बिल । जुजुं थ मनूत जक च्वय् च्वय्या पदे सिफारिस यागुलिं खाँ वैठके तःबले अलमल्ल जुला । जुजु नपां याकचा नपालाड वयकं धःबले जुजुं धायोदिल-गजगु खाँ मथूमा मनु छ ? फुक्क दरबारीया व सचिवतयसं थःथःपुं मनूत जक लुयो कःगु ज्या खं थथे जुगु खाँ कड दिल ।

वयागु मन्त्री मण्डले अति जुजुवादी, राष्ट्रवादी व पञ्चायतवादी तयसं हे छगू छगू बैठके जूगु निर्णयत दुताबासे छ्वडगु खाँ सिय् दत , अथेयाड दरवार दुने नं तरिका-तरिकायपुं, उखेस्व-थुखेस्व सिय मरुपुं मनूत दःजक खाँ कान ।

वयागु खाँ खं, वं ब्यूगु सफाइखं दरबारे दूने नं गुम्हां भारत यागु अले गुम्हां अमेरिकायायगु पाःलिडपुं कुटील चाल म्हेतिपुं बेक्वमनया मनूत दः धायगु न्हयसःमदानिला ? छु जिमिता 'फाँसी दे' दक ब्यूगु नारा नं अजःपिनिगु वहे षडयन्त्रया छगू कारण खःला ?

धात्थे खःगु सत्य छु ख धःसा सामन्त व अर्धसामन्तवादया स्थिति जुयो च्वंगु इलय् अले उपनिवेश व अर्धउपनिवेशया स्थिति खय् दकले तःहांगु कमजोर पक्ष धायगु हे राजा व राजतन्त्र हे जुडगु जुयो च्वना ।



# भक्तपुर क्यान्सर अस्पताल जनताया थःगु हे अस्पताल खः

—सुनिल प्रजापति



भक्तपुर क्यान्सर अस्पताल भीगु देशया महत्त्वपूर्ण अले प्रतिष्ठित अस्पताल मध्ये खः। द्रुत क्यान्सर पीडित नेपाली जनतां उपचार कायो च्वंगु थुगु अस्पताल ख्वपया गौरव नं खः। गरिब नेपाली जनतां दांक व गुणस्तरीय उपचार याय् खानेमः धाय्गु उद्देश्यं ख्वप नगरपालिकां थुगु अस्पतालता मःगु काथंया आर्थिक ग्वाहाली नपां जग्गा नं ब्यूगु खः। अले क्यान्सर अस्पतालया लागिं धायो नपां ब्यूगु जग्गा भ.न.पा या शर्तविपरीत अःगौरसरकारी संस्थां उपयोग याड वयो च्वंगु दः।

क्यान्सर पीडित ल्वगी तय्गु बांलाक उपचार जुयमः धाय्गु बाहेक जिमिगु छुं हे स्वार्थ मरु। श्वनं हौं न्ह्यागुहे जूसां जिपुं वसांनिसैं अस्पतालया आमदानी अस्पतालया भौतिक विकास व कर्मचारी व्यवस्थापनया नितिं हे खर्च याय्। थानाया फुक्क खर्च व आमदानी पारदर्शी याय्।

जिपुं निर्वाचित जुयो नगरपालिकाय् वयागुनं नेदा फुत। अस्पताल बांलाक हे चले जुयो च्वंगु दै धाय्गु मतिं जिमिसं छुं हे कदम मयाडा। इलयब्यलय् अस्पताले जूगु

आर्थिक अनियमितताया समाचारत प्याहाँ वल। जिमिसं अस्पताल व्यवस्थापन समितिया पदाधिकारीत नपालाड सल्लाबल्हा याय्गु मतिं तःक हे कुतः याडा। अले अपुं जिपुंनपां नपालाय् चाहे मजु।

आर्थिक अनियमितताया खाँ बय्बय् जुसेलिं त्वालं-त्वालं जनतात दड वल। कर्मचारी पासापिसनं ख्वप नगरपालिकां हे व्यवस्थापन

समिति निस्वानेता इनापयाड निवेदन नं बिल। अस्पतालया परिस्थिति भन्-भन् स्यँ स्यँ वाड च्वन। जिमिसं अस्पतालया बिरामीपिन्ता थुकिया कारणं भतिचा जकहे दुःख जुल धःगु न्यने थःम्वः थाय काथं मछ्युंगु स्वय थम्वः धाय्गु मतिं थजगु खाँ वयानिं स्वय मफुसा, इलय् हे छुं मयात धःसा बिरामी तय्गु उपचारे हे समस्या वय फःगु खाड स्थानीय जनता, अस्पतालया चिकित्सकत व कर्मचारीपिनिगु मागयाता ध्यान तयो नगरपालिकां पला हचिइकगु खः।

क्यान्सर अस्पताल जनतातय्गु थःगु हे अस्पताल खः। उकिं थुगु अस्पतालयाता जनताया हित खय्हे छ्यले मः। जनताया सम्पति सुं छम्हा व्यक्तिया दुरु न्ह्याय् दः मेचाथें याड तःगु समाचारत बय्बय् जुसेलिं जिपुं जनप्रतिनिधिया नातां टुलुटुलु स्वयो च्वनेगु बालागु खाँ मखु। सार्वजनिक सम्पति हिनामिना याडपुं न्ह्याम्हाहे जूसां कानुनया दायराय् वय्हे मः। नगरपालिकां जनस्तरं अले कानुनया लाँपु ज्वड अनियमितता याडपिन्ता छन्हु जनताया दश्वी थाने है।

आर्थिक अनियमितताया द्रुपं बियो तः पिनिगु लाहातय् हे अस्पताल लःल्हाय्गुया अर्थ भौयाता धौ पासा याय्थें अस्पतालता भन भन गालय् थें जक जुड। जिमिसं अस्पतालया सुविधाखय् भ्या भातिहे मगा-मछिं व बाधा वयके बियमखु।

न्ह्युं व्यवस्थापन समितिं आर्थिक अनुशासन व पारदर्शिताता उच्च प्राथमिकताय् तयो ज्या सानि। ता ई तक निरन्तर बिरामीया सेवा व अस्पतालयाता भिंजुइगु ज्या साड च्वंपु कर्मचारी, चिकित्सकपिन्ता व्यवस्थापन समितिं उत्साहित यायां हःने वानी। भागवण्डा, पक्षपात व आर्थिक अनियमितता बन्द याड। अन्यायले लाड च्वंपु कर्मचारीपिन्ता कर्मचारी/चिकित्सक पिनिगु सुभावा काथं मःगु व्यवस्था नं याई।

दश्वी छुं बाधा, व्यवधान (पंगः) त मवल धःसा क्यान्सर अस्पताल मथां हे जनस्तरं न्ह्याक च्वंगु सुविधा सम्पन्न नेपः याय् दकले बांलागु अस्पताल काथं उदाहरणीय जुयो हज्याइ।

थःगु हक अधिकारनपां संस्था जुयोच्वंगु आर्थिक अनियमितताबारे जनतातय्ता सचेत याय्गु ज्यायाड द्युपुं पत्रकार, स्थानीय जनता, थुगु अस्पताल दुने ज्या साड च्वंपु चिकित्सक व कर्मचारीपुं सकलसिता नगरपालिका पाखं सुभाय् देछायो च्वडा। अः निसैं क्यान्सर अस्पतालया व्यवस्थापन व अनुगमन ख्वप नगरपालिकां याई। नगरपालिका फुक्कंसिया साभ्ता संस्था खः।

(भक्तपुर क्यान्सर अस्पतालं भाद्र १ गते ग्वसःग्वगु स्वागत व बधाइ कार्यक्रमसं ख्वप नपाया प्रमुख नपां क्यान्सर अस्पताल व्यवस्थापन समितिया नायो सुनिल प्रजापतिजुं बियो दय्गु न्वचुया सार संक्षेप)

## ख्वपया भक्तपुर क्यान्सर अस्पताल सम्बन्धी ख्वप नगरपालिकां पिब्वःगु प्रेस वक्तव्य

ख्वप नगरपालिकां लःल्हागु जग्गा व आर्थिक ग्वाहाली नपां मेमेगु संस्थातयसं ब्यगु ग्वाहाली न्ह्याक वयो च्वंगु 'भक्तपुर क्यान्सर केयर सेन्टर (अःभक्तपुर क्यान्सर अस्पताल) सं देशां देछिया क्यान्सर (उखुम) ल्वयया विरामीपिन्ता गुणस्तरीय उपचार याड सेवा याड वयो च्वंगुलि उगु अस्पताल ब्यवस्थापन समितिया उब्लेया दुजः (पदाधिकारी) पिसं आर्थिक अनियमितता व भ्रष्टाचारयाड च्वंगु बुखौं थी थी पत्रिकां पिब्वयो च्वंगु सकलसिनं स्युगु हे खौं खः । भ्रष्टाचारया विरुद्धे संघर्ष याड वयो च्वंपु अस्पतालया चिकित्सक, कर्मचारीपुं, स्थानीय जनता व भक्तपुर क्यान्सर अस्पताल सहयोग समिति पाखें नपां अस्पतालया सञ्चालन व ब्यवस्थापनया जिम्मेवारी ख्वप नगरपालिकां कायोबिया दक च्वयो (लिखित) अनुरोध पत्र ब्यसेलिं ख्वप नगरपालिकां उगु क्यान्सर अस्पतालया पदाधिकारी पिन्ता पटक-पटक सम्पर्क यासां सम्पर्क मवः ।

उखुम (क्यान्सर) थजगु प्राणघाटक ल्वयया विशिष्ट उपचार जुईगु तस्कं संवेदनशील अस्पताले उब्लेया ब्यवस्थापन समितिया दुजः (पदाधिकारी) पिसं यागु गैर जिम्मेवारीपन व भ्रष्टाचार सुननं स्वीकार याय् मफैगु सहयाय् मफैगु ज्या खः । उकिं स्थानीय जनप्रतिनिधिया नातां थःगु हे. लागाय् दुने लागु अस्पताले वगु समस्या तुरुन्त न्हांकेता अभ्र बांलाक ब्यवस्थितरूपं हज्याकेता नपां ल्वगी तयगु ल्वय या स्तरीय उपचार याडगु ज्याखय् छुं हे काथंया पंगःत मवय्क ज्या साने दय्मः धाय्गु अस्पताले ज्या सानिपुं चिकित्सक, कर्मचारी व स्थानीय जनताया न्यायोचित इनाप व वयकपिनिगु छप्वा म्हुतुं पिज्वगु

सःयाता कदरयासे थुगु नगरपालिकाया न्हिल्याः २०७६ साउन ३० गते च्वंगु कार्यपालिकाया बैठकं भक्तपुर क्यान्सर अस्पताल ब्यवस्थापन समिति निस्वांगु खः । नगरपालिकां न्हगु ब्यवस्थापन समिति निस्वांगुया आधारत थथे दः ।

१. ख्वप नगरपालिकां न्हिल्या २०५८/१०/२४ गते च्वंगु नगरपालिकाया बोर्ड बैठकया निर्णयकाथं क्यान्सर पीडित जनतातय् लागिं दांक अले बांलाक गुणस्तरीय उपचार सेवा वियगु मति काथं क्यान्सर केयर सेन्टर (अःभक्तपुर क्यान्सर अस्पताल) या नामे साविक भ.न.पा. वडा नं. १७ (ड) हाल भनपा वडा नं १ कि.नं. २२६ क्षेत्रफल-५-४-०.० जग्गा व नगद धेबा २० लाख तका दां ब्यगु खः । नगरपालिकां ब्यगु छुं नं जग्गा सुं नं व्यक्ति वा संघ संस्थायाता भाडां बियमरु हक त्वःत बियमरु वा लःल्हाड बियमरु अले मियो छोय्मरु धाय्गु शर्त च्वयो ब्यगुया अखः उगु जग्गा गैर सरकारी संस्था नेपाल अर्बुदरोग निवारण संस्थां अनधिकृत रूपं छयल वयो च्वंगु दः । २०५६ साल निसें ख्वप नगरपालिकाया प्रमुख अस्पताल ब्यवस्थापन समितिया न्वक् जुयो वयो च्वंगुलि छुं हे सूचना मब्युसैं लिकायो छवत ।

२) ख्वप नगरपालिका दुने छुं, टहरा वा छुं नं न्हूगु संरचना दय्कबले नक्सा अनिवार्य पास याय्मःगु कानुनी ब्यवस्था दय्कं दय्कं नेपाल अर्बुद रोग निवारण संस्थां कानुनविपरित संरचना दय्कगुलिं नगरपालिकां कारबाही याड च्वंगु दः ।

३) ख्वप नगरपालिकां नगर क्षेत्रदुने ज्या

याय्गु वा ग्वाहाली याय्गु मतिं छुं नं गैर सरकारी वा अन्तर्राष्ट्रिय गैर सरकारी संस्थात वल धःसा अमिसं अनिवार्यरूपं नगरपालिकाय् दर्ता याड स्वीकृति कायमः । थुकियाबारे पटक-पटक सूचं बियो सःतः सां नेपाल अर्बुद रोग निवारण संस्था भनपाय् दर्ता यो मवः।

४) संस्थाया भवन दय्कबले ठेक्का ब्यगुलि व सामान न्याय् गुलि भ्रष्टाचार जुलदक पटक-पटक सञ्चार माध्यमय् समाचार प्रकाशित जूगु दः ।

५) नगरबासी जनतातयसं नपां उगु अस्पताले जुयो च्वंगु बेथितिबारे ध्यान तयमाल जक आग्रहयाड २०७६ साउन २९ गते निवेदन च्वयो नगरपालिकाय् दर्ता यागु खः ।

६) अस्पतालय् ज्यासाड च्वंपु चिकित्सक व कर्मचारीपिसं नपां उगु क्यान्सर अस्पतालया ब्यवस्थापनया जिम्मेवारी नगरपालिकां कायोबियादक २०७६ साउन ३० गते औपचारिक पत्र दर्ता यागु खः ।

७) अस्पताले ज्यासानिपुं सफाइ मजदुर तय्गु विषयसं अस्पतालया उब्लेया ब्यवस्थापन समितिया भरोसा सर्भिसेज प्रा.लि. महाराज गञ्ज येँ नपां सम्भौता यागुलि आर्थिक अनियमितता जुला दक समाचार प्रकाशित जूगु खः ।

८) अस्पताले दुने चाय्क तःगु ल्याब सेवा, फार्मसी सेवा व सिटी स्क्यान सेवाखय् खरिद ऐनकाथं मःगु प्रक्रिया पूमवांकसैं निजी क्षेत्रता थःयोथें मनोमानी ढंगं जिम्मेवारी ब्यगुलि तःकहे समाचार प्रकाशित जूगु दः ।

९) अःअस्पताले ज्या साड च्वंपु डाक्टर, नर्स व मेमेगु सेवाया कर्मचारीपुं



नियमपूर्वक अस्पतालयापाखं मखुसँ नेपाल अर्बुदरोग निवारण संस्थाया पाखें नियुक्ति यागु धाय्गु खॉय् छानबिनलिपा स्पष्ट जुइहे तिति ।

१०) अस्पताल ब्यवस्थापन समितिया उब्लेया पदाधिकारीपुं थी थी त्वहःतयो अस्पतालया नामे विदेश भ्रमण याड अस्पतालया धेबा भ्रष्टाचारयाड अस्पतालया प्रतिष्ठाख्य अँच वय्क ज्या साड च्वंगुया गुनासो सम्बन्धित पक्ष खं वगु दः । ब्यवस्थापन समिति छानबिन समिति गठन याय् धुंकगुलिं सत्य तथ्य खॉ पिब्वइ हे तिति ।

११) नगरपालिकां तुरुन्त थुगु विषय लाहा मतःगु जुसा बाँमलागु घटना जुइगु सम्भावना दःगुलिं नगरकार्यपालिकाया बैठकं निर्णय याड न्हँगु ब्यवस्थापन समिति गठन यागु खः । न्हँगु ब्यवस्थापन समिति व तत्कालीन अर्बुद रोग निवारण

संस्थायां पदाधिकारीतय्गु दशवी सकारात्मक छलफल जुयो च्वंगु दः ।

आर्थिक अवस्था कमजोरपुं विरामी तय्सं म्हवः धेबा खं अःपुक क्यान्सर ल्वयया उपचार याय् दय्मः धाय्गु नगरपालिकाया उद्देश्य खः । रोगीया उपचार सेवाख्य सहजता ह्य्गु ज्याख्य न्हँगु ब्यवस्थापन समितिं नीतिगत सहयोग याइ । नगरपालिकां गठन यागु समितिख्य समाजया थी थी पक्षया विज्ञपिन्ता नं दुथ्याकगुलिं अस्पताल प्रशासन, चिकित्सक अले कर्मचारीत लय्तायो उत्साहपूर्वक ज्या साड च्वंगु दः । विरामीतय्गु उपचार सेवाख्य प्रभावकारिता वःगु दः ।

अस्पताल ब्यवस्थापन समितिया न्हपायाय्पुं पूर्व पदाधिकारीपिसं अस्पताल सञ्चालन, डाक्टर व कर्मचारी नियुक्ति, ल्याब, फार्मसी, सीटी स्क्यान सेवा लगायत अपारदर्शी ढंगं निजी क्षेत्रनपां सम्भौता,

भवन निर्माण ज्याख्य ठेक्काख्य अनियमितता जूगु लगायतया विषयसं सत्य तथ्य खॉ थुइक लुइक सार्वजनिक याय्ता छगू छानबिन समिति निस्वाड ज्या न्हयाके धुंगु खॉ ब्याक च्वडा ।

भक्तपुर क्यान्सर अस्पताल निर्माणनपां बांलाक हज्याकेया लागिं ख्वप नगरपालिकां थी थी सरकारी निकाय व नेपाल क्यान्सर रोग निवारण संस्था, रोटरी क्लव, स्थानीय समाजसेवी लगायत सकलसिया ग्वाहाली याता सुभाय देछायो च्वडा । नपां लिपा-लिपा नं अस्पतालता जनतानपां उत्तरदायी, पारदर्शी व देशयाय् हे उत्कृष्ट नमूना अस्पताल काथं स्थापित याय्ता सकलसिया ग्यसुलागु साथ सर्मथन व ग्वाहाली दैगु विश्वास नपां भलोसा काया ।

सुनिल प्रजापति  
प्रमुख भक्तपुर नगरपालिका  
२०७६ भदौ ६ शुक्रबार

lrafv+

## भिंला-मभिंला

- cfzfsdf/ lrsa-hf/

क्वहँ कुबियो वाड च्वंम्हा ज्यापु दाजुया ब्वहचा हिइयो वसेलिं पा ह्यू ह्यू थःगु हःने साइकल ज्वड भारीतयो वःम्हा मनु स्व स्व वया मन ख्वल । जिनं साइकल दःगु खःसा थथे ब्वहचा हिइके मालिगु मखुला धाय्गु मने जक छु वला वयागु हःने साइकल छगू खानेदत । ओहो जिगु मनया खॉ सुनं थुइक थव साइकल हलाथें धाय्गु मति तःतं साइकल कायो भारी साइकले तयो च्वःति वयक साइकल घ्वा घ्वां यंकल । पलख लि पा थःगु हःने नं छम्हा मनु मोटर साइकले भारी तयो खुरुरु रु रु .... वांबले वया मनय् खॉ ल्हात हत्तेरी क जिनं मोटर साइकल फ्वडागु जुसा .....

उगुहे इलय् मोटरसाइकल थःगु हःने खाने दत । वयामने स्वां हवल । व मोटरसाइकले भारी तयो खुरुरु न्हयाक यंकल । च्वःति हु-हुं पलख छु न्हयाक यंकला कारे नेम्हातेपु च्वंड भारी च्वय छते तयो हुईसंक यंकगु खाड वया नुगः काँय् हाल । वया मोटरसाइकल फ्वडागुलिं टुं भःपिल । अले कारफवनेगु मने छु तला थ्याक्क हःने वल । वं ब्वक ब्वक कारेथःगु भारी तल अले खुरुरु ब्वाके यंकल । आहा जीवनया मज्जा । वया नुगले ल्हागु खॉ क्वःमचःनि आकासे च्वे हेलिकप्टर ब्वयक हःगु खाड वया मने हकनं लोभीम्हा छो प्याहाँ वल । वयता हेलिकप्टरहे मति तय्मःगुलि कार मति तयागुलि थःता थःमं हे कुबुद्धिम्हा ताय्कल । हरे , अका

से था स्वस्वं हेलिकप्टरे ब्वयगु कल्पनाजक छु याता वयागु हःने हेलिकप्टर दिके हल । वयातां च्वँ धाल । व हथाय् पथाय् सं च्वन । हे लि क प्ट र आकासे ब्वल । आकासे नं क्व

स्वयो च्वंपुमनु तयसं वयागु बुँ पाखें क्यँ क्यँ घायो च्वन । थ्वहे थाय्क भीसं अन्तर्राष्ट्रिय रडगशाला दय्के धाय्गु । हेलिकप्टरे च्वंम्हा ज्यापुदाजुया मन पिन्हूल । थःगु पुर्खानिसँया बुँ कतं काय् धःबले वया मनय् भ्वखा ब्वल । व ततसलं हाल हल जिता त्वति जिता त्वति । जिगु बुँ वियमखु । व बुँ मरसा जि छु याड नयगु ? जि मस्त गथेयाड पाले याय्गु ? वयागु सःलं व थःहे न्हयलंचाल । पःक्वचाय् देड च्वंम्हा ज्यापु दाजुया म्हागस लुमांक लुमांक धायो च्वन ग्व ? भिंला, मभिंला ? गजगु म्हाड च्वंगु !



खँलाबल्हा

## तस्कं नां जःगु ऐतिहासिक पुखु व बही, सम्पदा व सांस्कृतिक प्याखं त थ्व वडाया म्हासिइका खः



### वडा नं. १ वडाध्यक्ष श्यामकृष्ण खत्री

स्वप नगरपालिकाया फुक्क वडात स्वप नगरपालिकाया निर्देशन काथं विकास निर्माण व सम्पदा संरक्षण नपां जनताया समस्या जनताया छँ हःने थ्यंक वाड समाधान याड च्वंगु नपां सेवा याड च्वंगु खाँया प्रशंसा थाय् थासं याड च्वंगु सकसिनं स्यू । उकियाता पुष्टियाय्गु काथं जनप्रतिनिधि पिनि पाखं थःथःगु वडाया ज्या नपां वडा म्हासिइकेगु काथं वडाध्यक्ष जु पुं नपां याडागु खँलाबल्हा मध्ये वडा नं. १ या वडाध्यक्ष श्याम कृष्ण खत्री नपाया खँलाबल्हा -

**न्हयस :** छिगु अले छिगु वडाया म्हासिका वियो दिसं ?

**लिस :** जि १ नं. वडाध्यक्ष श्यामकृष्ण खत्री, अः स्वप नगरपालिकाया वडा नं. १ न्हा वडा नं. १७ खः। थुगु वडाया पूर्व पाखे भ.न.पा. वडा नं. ३ व २, पश्चिमे मध्यपुर नगरपालिकाया वडा नं. १ उत्तरे वडा नं. २ व चाँगु नारायण नगरपालिका दक्षिणे सूर्यविनायक नगरपालिका थुलि दुनेया थुगु भनपा वडा नं. १ खः । थुगु वडा दुने १८० थरया मनुत बसोबास याड च्वंगु दः । थानाया जनसंख्या ९९०० म्हा दः सा मतदाता ४४५१ म्हा दः । थुगु वडाया क्षेत्रफल १.६५७५ वर्ग किलो मिटर दः ।

**न्हयस :** थुगु वडाया छु छु प्रसिद्ध सम्पदात दः थें ?

**लिस :** थुगु वडाया सिद्ध पुखु, नःपुखु, भाजु पुखु, रानी पुखु, (न्हँपुखु) सल्लाघारीया चवडा गणेद्यो, थाय् थासय् ल्वहँ

हिति, तुथि, चैत्य, कुण्ड, बोडचा, थथुबही, कुथुबही, इनगः गणेद्यो, व नपांया ऐतिहासिक सतः फल्चा, हवों हवों फल्चा, भार्वाचो धवाका, नःपुखु धवाका, दुगुरे थी थी सम्पदात दःसा साँस्कृतिक प्याखं हनुमान प्याखं, नतुवचा प्याखं, फाकंदली, माक प्याखं, धिमेबाजा, बाँसुरी बाजा, नपां दाफा भजन व गुठी-गाना त दः। वडाया तस्कं नां जःगु प्यंगःपुखु व नेगु बही दः ।

**न्हयस :** सम्पदा संरक्षण व विकास निर्माणया ज्याखय् छिकपु निर्वाचित जुयो भायालिं अःतक गुलि ज्या जुय धुकला थें ?

**लिस :** अःतक जुयो च्वंगु व जुयधुंगु ज्याया धल थथे

दः

- दुधपाटी च्याम्हासिया लाँ मर्मत याय् सिधल ।
- इटाछँ तँक्वने गल्लीया लाँय् अपां सियगु ज्या सिधल ।
- भाजुपुखुया पश्चिमपाखेया गरिया दथी पाखे अपां सियगु ज्या सिधःल ।
- असंगः गणेश मा.वि. नपांया धःनिकास निर्माणया ज्या सिधल ।
- ज्ञानकुञ्ज त्वाल्य् धःनिकासया ज्या सिधल ।
- भार्वाचो महालक्ष्मी फल्चा निसें मोटर पार्क वानेगु गल्ली अपां लाँ सियगु ज्याः सिधल ।
- सिर्जनानगर नपलि फल्चा हःने दक्षिण पाखेया लायँ अपां सियगु ज्या सिधल
- सिर्जनानगर नपलि निकोल्सन कलेजया दक्षिण पाखेया लायँ अपां सियगु ज्या सिधल ।
- सिर्जना नगर नपलि इशानेश्वर मार्गे अपां सियगु ज्या सिधल
- सिर्जनानगर नपलि फल्चा पश्चिमया लायँ अपां सियगु ज्या सिधल ।
- धवँलाँचा (गणेश मा.वि.हःनेया तँ) लाँय् रेलिङ्ग बार तय् सिधल ।
- धाला खुसी लाँ ल्हवनेगु (धालाखुसीया ब्वड चाय् वानेगु लाँ) असंगः वानेगु (दुगु देके वानेगु) लाँ ढलान याड ल्हवनेगु ज्या सिधल
- न्हूगु बसपार्के ढलान याड लाँ बांलाकेगु ज्या सिधल ।
- नःपलि १ लाँय् अपां सियगु ज्या/नःपलि लाँ अपां सियगु ज्या सिधल ।



## स्वप पौ

- नःपलि फल्चां दक्षिणपाखे ढलान, नःपलि ग्राभिलिङ्गया ज्या सिधल ।
- ऐतिहासिक भाजुपुखु ल्हवनेगु व नाःथाकेता देचा वाड न्याय्गु ज्या न्ह्याक च्वंगु ।
- वडा कार्यालय भवन जायके धुंगु ।
- भक्तपुर अस्पतालनिसें ठिमी बस स्टेशन तक स्यंगु पीच ल्हवने धुंगु ।
- हनुमान फल्चाय् निसें इचाडोलय् वानेगु लॉ ल्हवने सिधल ।
- विद्युत प्राधिकरणया उत्तरपाखेया सार्वजनिक शौचालय ल्हवनेगु ज्या सिधल
- सिद्ध पुखु (तःपुखु) या फः (पेटी) ल्हवनेगु ज्या न्ह्याक च्वंगु
- दुगुरे सिन्ह्वाते खानेपानी व्यवस्थापन थिङ्क पालेघर दाने धुंगु
- धालाखुसी ब्वडचानिसें धालाखुसीताय् वानेगु लॉयतक ग्राभिलिङ्ग सिधःगु
- दुगुद्योथाय् वानेगु असंगयालॉ ढलानयाड बांलाकेगु ज्या सिधःगु ।
- नपलि खुसी बःलं चुङ्कगु लॉ ल्हवने सिधःगु ।
- सल्लाघारी नःपलि तँक्वय् हनुमन्ते खुसी बःलं स्यंकगु ल्हवनेगु ज्या सिधःगु ।
- वडा कार्यालय हःने वगति नाः मुनेगु ट्यांकी दय्के सिधःगु ।
- नपलि सृजनानगर द्वहँ वय्थाय् लॉ पिच याय्गु ज्या सिधःगु ।
- सल्लाघारी च्वंगु १०८ पि जग्गा संरक्षणयाय्ता चाक छिं पःख दानेगु ज्या सुरु जुयो च्वंगु ।
- सिद्ध पुखु जःखः सार्वजनिक शौचालय व्यवस्थापन याय्गु ज्या जुयो च्वंगु
- पशु चिकित्सालय थिङ्कया शिशु स्याहारकेन्द्र सुधारया ज्या जुयो च्वंगु ।
- सन्तति आधारभूत विद्यालयसं ग्रिल तय् धुंगु ।
- ज्ञानविजय आधारभूत विद्यालयया अपापोल्हँ ल्हवनेगु ज्या सिधःल ।
- सल्लाघारी रानीपुखु पुनः निर्माणया ज्या जुयो च्वंगु ।
- सृजना नगरे फः दय्केगु ज्या सिधःगु ।
- सिद्ध पुखुली फोहरातयो छाय्पिय्गु ज्या सिधःगु ।
- नेपाल रेडक्रस सोसाइटी ख्वपया ग्वाहालीख्य सडकवत्ती तय् सिधःगु ।
- दुगुरे १ व दुगुरे २ लॉय् अपां सियधुंगु ।
- दुधपाटी दुगुरे लिक्क च्वंगु ज्ञानकुञ्ज त्वालय च्वंम्हा विष्णु लाल त्वातीया छँ हःने निसें केदार पुडासैनीया छँ हःने तकया लॉ अपां सिय्गु ग्राभिलिङ्ग नपां भाजुपुखुया पश्चिम पाखेया लॉ जुयो वेवी बहादुर मगरया छँ निसें कर्ण बहादुर थापा मगरया छँ तकया अपां सिय्गु ज्या सिधल ।

- इतापाको एभरेष्ट चिकेन वानेगु लॉय् ढलान याय्गु ज्या सिधल ।
- दुगुरे सिन्ह्वातेया लॉय् ढलान याय्गु ज्या सिधल । (भक्तपुर क्याम्पसया दक्षिण पश्चिम तुल्सिप्रसाद कायष्ठया छँ हःने निसें विष्णु श्रेष्ठया छँ तँक्वय् तक)
- इताछँ तेपुचो सार्वजनिक शौचालय थुड न्हूगु बन्दोबस्त याय् सिधल ।
- इचाडोलय् लॉसिय् सिधःगु ।
- सल्लाघारी १०८ पी जग्गाया पश्चिम पाखेया नपली फल्चाय्त्क वानिगु लॉ पिच याय्गु ज्या सिधल ।
- सल्लाघारीनिसें नपलि ताँतक पिच याय् सिधल ।

## न्हयस : थुगु आ.व. स्वयं याय् मःगु ज्या छु छु दःथे ?

- लिस : १. सल्लाघारी खानेपानी ट्याङ्कीहःनेया लॉय्या पश्चिम पाखेया कृष्णबहादुर दुगुजुया छँ हःने नं द्वह वनिगु लॉय् अपां सिय्गु ।
२. दुगुरे च्वंगु बाबुकाजी खर्बुजाया छँ उत्तर पश्चिम पाखेया लॉय् अपां सिय्गु ।
३. सल्लाघारी मुपुजःले च्वंगु बोङ्गचाया दक्षिण पाखे द्वहँ वानेगु लॉ ग्राभिलिङ्ग याय्गु ।
४. नपली लागाय दुने मःमः गु लॉय् अपां सिय्गु, ग्राभिलिङ्ग व पिच याय्गु ।
५. मिस्यामि तँ नपांया बस्ती दुनेया लॉय् अपां सिय्गु ।
६. घलॉटेनं बाराहीथाय् वनिगु लॉय् अपां सिय्गु वा ग्राभिलिङ्ग याय्गु ।
७. भक्तपुर क्याम्पसया पश्चिम-दक्षिण पःखनपांया लॉय् अपां सिय्गु ।
८. इचाडोल निसें ध्वंचा ल्वहँहितितक अपां सिय्गु ।
९. असंग लागाय लॉय् अपां सिय्गु ।
१०. सल्लाघारी मुपुजः बोङ्गचा पुनः निर्माण याड व्यवस्थित याय्गु ।
११. सल्लाघारी नपली वानिगु लॉसिथ् सुन्दर चौगुठीया छँया पश्चिम पाखेया लॉय् अपां सिय्गु व ज्ञानुशाहीया छँ पाखे वनिगु लॉय् अपां सिय्गु ।
१२. दुगुरे जयराम त्वातीया छँ हःनेया गल्ली अपां सिय्गु ।
- थुगु वडाय नगरस्तरीय योजनात क्वय च्वया काथंया दः ।
- भाजुपुखु पुनःनिर्माण
  - रानीपुखु पुनःनिर्माण
  - हवों हवों फल्चा पुनःनिर्माण
  - बहुउद्देश्य भवन निर्माण
  - १०८ पी जग्गा संरक्षण

- न्हूगु बसपार्क पिच
- ज्ञानविजय आ.भू. विद्यालयया प्वल्हँ ल्हवनेगु
- गणेश मा.वि.या शौचालय दय्केगु
- सन्तति आ.भू. स्कूले सुरक्षा बारतय्गु
- सिद्धपुखुया उत्तर पाखेया चौरे धेराबार तय्गु

**सडक बोर्ड**

- भार्वाचो गणेशो या देगः निसें महालक्ष्मी फल्चातक या लाँय् अपां सिय्गु ।

**न्ह्यस :** शिक्षा, स्वास्थ्यया नितिं थुगु वडाय् छु छु ब्यवस्था याड तयागु दःथें ?

**लिस :** वडा दुनेया फुक्क विद्यालयया ब्यवस्थापन समितिसं वडाया प्रतिनिधि दुथ्याक शैक्षिक प्रगतिया नितिं मःकाथं सर-सल्लाह व ग्वाहाली याड च्वंगु दः । वडा दुनेया स्कूल तय्गु रेकर्ड तय्गु ब्यवस्थापन समिति गठन याडागु । इलय्-ब्यलय् स्कूल निरिक्षण याडागु दः ।

**न्ह्यस :** जनताया हःने चुनावया इलय् घोषणापत्रं बियागु बचं काथं छु छु ज्या सिधला ? अले छु छु याय् बाकी दःनि थें ?

**लिस :** च्वय् न्हिथाडागु योजनात नपां भाजु पुखु पुनःनिर्माण, बहुउद्देश्य भवन, छँ छँनं प्याहाँ वैगु फोहर ब्यवस्थापन याय्गु ल्यासे-ल्याम्हो पिन्ता चेतनामूलक ज्याइवः व तालिम त न्ह्याकेगु विपद ब्यवस्थापनया तालिम वियगु नपां जनताया समस्या फछिं फक्व वडायासं सिधय्केगु ज्या जुयो च्वंगु दः ।

**न्ह्यस :** दकले लिपा वडाबासीपिन्ता छु धाय् मःगु ल्यं दः निला थें ?

**लिस :** नेपाल मजदुर किसान पार्टीपाखें स्थानीय तहया चुनाबबले घोषणापत्र पाखें वियागु प्रतिबद्धता काथं याय्मःगु व याय्बाकी दःगु छुछु ज्यात दः अले छुछु यासा बांलाई धाय्गु सर-सल्लाह बियो दय्सा जिमिता ज्या सानेता अःपुइ । वडा कार्यालय् जनताया दकले हःनेया कार्यालय खः । न्हिया न्हिथंया ज्या निसें लिपा थयंकया दीर्घकालीन ज्या याड जनताया सेवा याडगु थाय् जुगुलिं थःगु समस्यानपां वडायाता मदय्क मगागु योजनाया सल्लाह विड्गु आशा नपां भरोसा काया ।

**भीगु नगर सफा नगर  
सफाइ भीगु गौरव**

**नेवःतिथिया पुन्ही**

- चासपुन्ही
- पलाँतीपुन्ही
- दिलापुन्ही
- गुन्हीपुन्ही
- अन्यापुन्ही
- कतिं पुन्ही (पाँचा वाय्गु पुन्ही)
- सकिमा पुन्ही
- योमारी पुन्ही
- छयाला पुन्ही
- सिपुन्ही
- होलिंपुन्ही
- साँक्व पुन्ही

(मलमासःबले छगू पुन्ही  
अप्वः जुयो अनलापुन्ही  
नं जुइ)

**बार**

- आइतबार
- सोमबार
- मंगलबार
- बुद्धबार
- बिहिबार
- शुक्रबार
- शनिबार

## भक्तपुर क्यान्सर अस्पताल तःहांगु सङ्कटं जोगे जुल



२०७६ अठौ ६

भक्तपुर क्यान्सर अस्पताले श्वनं न्हापा जुयो च्वंगु अनियमितताया बारे म्हुवजक पत्रकारपिस चासो तला । आना छगूकाथं जनताया सरकार खवप नगरपालिकां इलय्हे लाहा तयो ज्या न्ह्याकगु याता अपलं पत्रिकां मखुगु सूचनाया आधारे समाचारत चवता ।

भक्तपुर क्यान्सर अस्पताल व्यवस्थापन समितिया न्हापायायुं पूर्व पदाधिकारीपिस अनेक बाँमलागु ज्या याड भ्रष्टाचार व आर्थिक अनियमितता यागु खाँ भयबिय धुकानि पिते थुगु खाँ बयबय जुल । अमिसं थःगु स्वार्थया लागिं अस्पतालता मःगु मेसिन व मेसिनरी पार्टस न्यायता लां-लां दां-दा बिक् मन्यासी जनताता सास्ती यात । गुब्लेतक थःता कमिसन बिडपुं व विदेशे चाहिइके यकिपुं पार्टी नपा लाइमखु वा अजगु खाँ मिले जुइमखु उब्लेतक अमिसं अस्पतालता मदयक मगागु जुसां सामान न्याइमखु । अस्पतालय् थजु वा छुं नं संस्थाय् मःगु सामान न्यायता वा सुयातां ठेक्का वियता निम्नतम योग्यता वा गुणस्तर निर्धारण याड टेण्डर आह्वान याय्गु सर्वव्यापी प्रक्रिया खः । अले अर्बुद रोग निवारण संस्थाया तथाकथित नायो लोकेन्द्रबहादुर श्रेष्ठया नायोलय् निस्वाड तगु पूर्व व्यवस्थापन समितिं गुब्लेहे अजगु प्रक्रियां ज्या याय्गु कुतः मयाः, मति मतः । सिटीस्क्यान मेसिन चलेयाय्ता थजु वा ल्याब चलेयाय्ता थजु, फार्मसी चलेयाय्ता थजु वा सुचुकुचुयाइपुं ज्यामीत (सफाइ मजदुर) तय्ता थजु बिना टेण्डर थःमनं धायथे याइपुं मन्तय्ता जक ज्या बियो थमनं अपलं कमिसन नयो थःगु व थःपिनिगु कम्पनी व संस्थाता जिम्मा बियो वयो च्वंगु खाँ सकसिनं स्यूगु हे खः । अमिसं यागु अनियमितताया विरुद्ध खवपया सचेत जनतां श्वनं हाँ हे अख्तियार दुरुपयोग अनुसन्धान आयोगे व सम्पति शुद्धीकरण अनुसन्धान विभागे उजुरी ब्यूगु खाँ अपः सिनं मस्यू जुइ । नेपाल अर्बुद रोग निवारण संस्थाया इमानदार मन्तय्त्सं अजपुं भ्रष्ट व कमिसनखोर तय्ता उगु संस्थां ककुपिड छ्वय् मः ।

अस्पताले बिरामी व बिरामीया थःपिसं मफुं मफुं छुं वुं

मियो जुसां तस्कं थिकेयाड धेबा पुले माल च्वंगु दः । उगु मफुं मफुं पूगु धेबा अस्पतालया विकास याइगु जुसा अजगु गुनासो मवइगु जुइ । अस्पतालया करोडौं करोड धेबा फुक्क अस्पताल व्यवस्थापन समितिया पूर्व पदाधिकारीतयसं अवलोकन भ्रमणया नामे म्वःमरुगु देशे अले थःगु इच्छा दःगु देशे चाह्यु वानिगु । अमिसं अस्पतालया कर्मचारी, चिकित्सक व नर्सपुं नियमानुसार नियुक्ति, स्थायी व बहुवा मयासं व्यवस्थापन समितिया थःमनू, तयता चाकडी याक, च्यो -भ्वातिं काथं व्यवहार याड गैर प्रजातान्त्रिक क्रियाकलाप याड वयोच्वंगु खः । अजपुं भ्रष्टाचारीतयगु लाहातं क्यान्सर अस्पताल खवप नगरपालिकां थःगु लाहातय् कायो समयोचित पला छिगु खः । भक्तपुर क्यान्सर अस्पताल कमिसनखोर तय्गु लाहातं भ्वा ब्वः याय् हाँ हे सङ्कटं मुक्त यागु खः । उकिं सकले अस्पतालया चिकित्सक, नर्स, कर्मचारी, मजदुर व खवपया विकासप्रेमीपिसं साथ सहयोग बियो न्ह्याड च्वंगु दः । अस्पतालं बिडगु सेवा सुविधाख्य छतिहे म्हुव मजु । बरु थपे जुजु वानिगु जुयो च्वंगु दः ।

खवप नगरपालिकां अस्पताले उपचार यो वइपुं बिरामी व बिरामी कुरुवापुं च्वनिगु बहुउद्देश्यीय भवन दानिगु जुयो च्वंगु दः ।

भक्तपुर क्यान्सर अस्पताल कथित अर्बुद रोग निवारण संस्था याकचां न्ह्याक च्वंगु अले दयकगु संस्था मखु । थुगु अस्पताल सञ्चालन यायता भक्तपुर नगरपालिका, उब्लेया जि.वि.स. भक्तपुर, नेपाल सरकार, रोटरी क्लब, खवपया थीथी संघ संस्था, स्थानीय थीथी पेशाया चन्दाताना, जनतातय्गु ग्वाहाली दःगु खः, दयो च्वंगु दः । अस्पताल धात्थेख्यक गैर नाफामूलक खः । अले थुकिया अर्थ बिरामीं यक्व धेबा पुल कथित सेवाप्रदायक कम्पनीतय्ता अपलं लबः नकेगु व अकिया कमिसन न्हापा यायम्हा पूर्व अध्यक्ष श्रेष्ठ, दुजः बिमल होडा व दांभारी कृष्णप्रसाद ताम्राकारपिन्ता प्वः चिकेगु पक्का नं मखु ।

खवप नगरपालिका राजनीतिक पार्टीं मखु । खवप नगरपालिकां चलेयागु खवप सर्कलया कलेजे देशां देछिया फुक्क धाय्थिं जिल्लाया थी थी राजनीतिक आस्थाया विद्यार्थीत आखः ब्वड च्वंगु दः । अले शिक्षकपिसं ब्वंक च्वंगु दः । खवप नपां चलेयाड तःगु जनस्वास्थ्य केन्द्र व सहरी क्लिनिकं राजनीतिक आस्थाया आधारं छतिहे पाक सेवा बियो च्वंगु मरु । फुक्क सिनं उथ्यंगक उपचार सेवा कायो हे च्वंगु दः, उथ्येयाड उपचार सेवा बियो हे च्वंगु दः । उकिं नगरपालिकां लाहा तःसां थुगु क्यान्सर अस्पतालं बिरामी तय्गु उपचार याय्गु बाहेकं मेगु छुं हे याइ मखु । श्वहे खाँयाता कायो नेकपा वा नेपाली कांग्रेस वा छुं नं राजनीतिक दलतय्त्सं थःगु स्वार्थया मति तयो जः मपेसांज्यू । थजगु विषय खवपया जनता तय्ता सुनं स्यने म्वः ज्यू-मज्यूया फुक्क ज्ञान अमिके दः ।

संयोग क्षेत्री व पासापुं खवप

स्रोतः अनलाइन भक्तपुर



## ब्याहा भोय्

- भाजु रमापतिराज शर्मा

ब्याहा भोय्  
पासा । इलया जुइगु हँ इहिपा,  
च्वापुगु अङ्गःह्याउँक छायापा,  
दर्शनीय बहु रंगी घनया  
गगन क्वथाय् तल लासा लाया ।

थुगु ब्याहाया सूचना बिया  
ह्वीं ह्वीं याना बाजं थाना  
कुंकुलामसं नाय्खिं चवयका  
समीर ब्वाञ्जुलगुलि लिमलाका ।

सोवा पासा । जात जातया  
भंगःपंछि जोगीतय्सं  
म्हाइपुं तंका माल्हिं पुडुका  
भमचा हे नं काःवंगु जुल ।

भोय वःपि पाहाँ नक्य नितिं  
परिकारत गुलि पाक यात थें,  
ह्याउँसे मिथें हुँकन खनेदु,  
खःखः धात्थें कूँ नं अन वः ।

परन्तु बोहः त्यापा छबथां  
भोजं द्याका प्वा सुखु चिंका  
नय पित्या सलं 'क्याँ क्याँ' याना  
खुरु खुरु छ्यैँ ल्याहाँ वल छायाथें ?

हुँकनं पौल्हय् भोलाक चवना  
जन्ति मुना च्वपिं कोतय् नं  
उजुं मसला-पो ईने महया  
'कल कल' हाला चवन स्व उदेकं ।

भौमचा हया ह्वंके हल नं  
स्वर्गहे घृणितम्हा खिउँख्वा सन्ध्या  
उथायक्य खन वं थःगु जीवनय्  
भविष्य तसिकं खिउँया वइगु

उबले गोन्हु मछिं नय् मखंम्ह  
फोगीं छम्ह दने मफय्क दल  
जिगुलां धौंतय आः भोय् न्याल,  
थथे धयां वं तुति तिप्यंकल ।

साभारः चिनाखँ मुना, ब्याहाँ (२०१२)

## लुसी प्यारुँ

- rGbaxfb/ pns

मनू तय्सं खुसि त्यल,  
खुसिं देय्स त्यल,  
तब्या खुसी धःचा जुयो,  
हाचां गाये जिल,  
गां गामेया धनी तय्ता,  
सुकुम्बासी धाल,  
याँय् यलाँया खुसी दथी,  
छँखा दांके बिल,  
भोटं दाड कोटं फिड,  
मन्त्री जुयेफत,  
भ्रष्टाचारया विरोधयायां,  
थम्हं मुतुमुन,  
न. न. वं भि. थोँ भिं  
लोकतन्त्रया नामं थाना  
शोषण याक्वं भिं.....

लोकतन्त्रयागु नामं,  
शोषण भनीता यात न्हँ ।  
नेपः देय्या दाजु किजा  
बिचः भनीसं याव न्हँ ।  
भनीगु देसय् भिंम्हा सरकार,  
वगु खाने मत न्हँ ।  
न्हयाथाय् वांसां न्हयाथाय् स्वःसां,  
घुस नयेगु धाला न्हँ ।  
घुस नैपुँ हाकिम तय्ता,  
सरकारं मज्वं न्हँ ।  
ठेकेदारं, काल थाना,  
देय्या अविभारा न्हँ ।  
देय् दुनेया योजना त,  
भताभंग जुल न्हँ ।  
न्हयामासिनं न्हयागु याःसां  
पचे थाना यात न्हँ ।  
इमानदारी जनता फुकं,  
खवयो खवयो जुल न्हँ ।  
नैतिकहीन भ्रष्टाचारी  
लय् लय् तायो जुल हँ ।  
अन्यायी तय्ता लिड छ्वयो  
सत्य न्याय हये न्हँ ।  
दाजु किजा तता केहँ  
जुरु जारु दाने न्हँ ।  
न न....

## स्वप नगरपालिकाया ज्या भवः त

### फोटो छगू इतिहास व प्रमाण काथं ल्यडः च्वनिगुलिं महत्त्वपूर्ण जुई

२०७६ साउन २८

स्वप नगरपालिकाया गवसालय् जूगु फोटोग्राफी तालिमकाय् धुपुं फोटोग्राफर पिन्ता वडाध्यक्ष ९ रविन्द्र ज्याख्वःया मू पाहाँलय् छगू भेला जूल । उगु भेलासं रविन्द्र ज्याख्व जुं स्वपया लोकंहवागु सापाख्या जानकारी ब्यूसें थमनं सय्कागु सीप सापाख्या जात्राया थी थी फोटो कायो अपलं छयले मःगु खाँ कड दिल । सापाखु निसैं कृष्णाष्टमीतक च्याचा गुन्हु न्हयाइगु ज्या इवःया किपाः कायो परम्परागत व आधुनिक साँस्कृतिक डकुमेन्टेशन याय्ता गवाहली याइगु आशा प्वंक दिल । फोटो छगू इतिहास व प्रमाण काथं ल्यडः च्वनिगुलिं थुकिया महत्त्व दःगु खाँ ब्याक दिल । वयकपिसं कःगु फोटोमध्ये बांलागु हिपा किपा फोटोग्राफरया नां तयो बिल धःसा उकियाता डकुमेन्टेशन याड किपा बवःज्या नं



याय्गु जानकारी बियो दिल ।

### नगर प्रमुख सुनिल प्रजापतिया नायोलय् भक्तपुर क्यान्सर अस्पताल ब्यवस्थापन समिति निस्वान

२०७६ साउन ३०

भक्तपुर क्यान्सर अस्पताले आनाया ब्यवस्थापन समितिया जिम्मेवार पदाधिकारीपिसं आर्थिक अनियमितता व भ्रष्टाचार जूगु सञ्चार माध्यमं समाचार प्रकाशित यासेलिं उकिया विरुद्धे स्थानीय जनतात व अस्पतालया चिकित्सक-कर्मचारीपिसं संघर्ष याडः च्वंगु इलय् नगरपालिका लागा दुनेया अस्पतालया अब्यवस्था याता इलय् हे भिंक बांलाक न्हयाक ल्वगी तय्ता सेवा बिय्गु मतिं नगर प्रमुख सुनिल प्रजापतिजुया नायोलय् न्हूगु ब्यवस्थापन समिति निस्वान ।

स्थानीय जनताया उत्तरदायी काथं म्हवः धेबां बांलाक स्तरीय उपचार याय्मःगुलि ब्यवस्थापन समिति च्वड थःगु जक भिं जुइगु काथं अस्पतालयाता दुरु न्हयाय् दःम्हा मेचाथें याडः भ्रष्टाचार यागु व थुगु विषय खाँ ल्हाय्ता उब्लेया ब्यवस्थापन समितिया पदाधिकारीपिन्ता पटक-पटक नपालाय्गु कुतः यासां सम्पर्कें मवगुलिं अस्पतालया स्वास्थ्य संवेदनशीलतायाता ध्यान तयो विहिबार च्वंगु नगर कार्यपालिकाया बैठके न्हूगु ब्यवस्थापन समिति गठन याय्गु निर्णय यागु खाँ नगरपालिका स्रोतं ब्यूगु खः ।

बैठक अस्पताल भक्तपुर जिल्ला क्षेत्र नं १ खय् लागुलिं उगु क्षेत्रया संघीय सांसद प्रेम सुवाल व उगु हे क्षेत्रं प्रदेश सभाय्

त्याक वांम्हा सांसद सुरेन्द्र राज गोसाईजु पिन्ता सल्लाहकार तयो भक्तपुरया प्रमुख जिल्ला अधिकारी नारायण प्रसाद भट्ट, वडाध्यक्षपुं रविन्द्र ज्याख्वः, उकेश कवां व श्यामकृष्ण खत्री दुजः नेपाल अर्बुद रोग निवारण संस्था भक्तपुर कचाया नायो, भक्तपुर क्यान्सर अस्पताल सहयोग समितिया नायो व वहे समितिया महिला दुजः अस्पतालया मेडिकल डाक्टर प्रतिनिधि व कर्मचारी कल्याणकारी समितिया प्रतिनिधि दुजः अस्पतालया मेडिकल डाइरेक्टर सदस्य सचिव (छयाञ्जे) काथं दय्कगु उगु समितिसं महानगरीय प्रहरी परिसर, भक्तपुरया प्रहरी उपरिक्षकजु आमन्त्रित दुजः काथं समिति दय्कागु खाँ प्रमुख प्रजापति जुं ब्याक दिल ।

अस्पताले जुयो च्वंगु आर्थिक अनियमितता व भ्रष्टाचारया विरुद्धय संघर्ष याडः च्वंगु स्थानीय जनता, भक्तपुर क्यान्सर अस्पताल कर्मचारी कल्याणकारी समिति व भक्तपुर क्यान्सर अस्पताल सहयोग समिति पाखें नपां अस्पताल सञ्चालन व ब्यवस्थापनया जिम्मा नगरपालिकां कायो बिया दक अनुरोध पत्र चवयो ब्युसेलिं अस्पताल ब्यवस्थित ढंगं हज्याकेता व विरामी पिन्ता बांलाक उपचार याकेता न्हूगु ब्यवस्थापन समिति निस्वाडागु खाँ प्रमुख जुं कड दिल । वयकलं नमूनाकाथं न्हयाडः च्वंगु अस्पताले वगु अनियमितताया छानविन याय्गु खाँ न ब्याक दिल ।



# ख्वप नगरपालिकाया जनप्रतिनिधिपिनि दश्वी जम्मु-काश्मीर मामिलाया विषयसं प्रवचन

२०७६ साउन ३२

थःता संसारया दकले तःहांगु प्रजातान्त्रिक दे दक धक्कु त्वःतिम्हा भारतं स्वायत्त राज्य जम्मु-काश्मीरयाता जनताया भावना व प्रजातान्त्रिक मूल्य व मान्यता विपरित बलमिजेयाड थःगु देशे स्वाय् यंकगुया विरोधय् ख्वप नगरपालिकाय् छगू कार्यक्रम जुल ।

उगु ज्या इवः सं ने.म.कि.पा.या केन्द्रीय छयाञ्जे नपां प्रतिनिधि सभाया दुजः सांसद प्रेमसुवालजुं जम्मु-काश्मीरता यागु हस्तक्षेपं भारतीय प्र. मं. मोदीया फासीवादी चरित्र उलः ब्यगु नपां भारतं पुलांगु गौरब लिता काय्गु कुमतिं मुसलमान व म्हवःदक दःपुं अल्पसंख्यक जाति पिन्ता न्ह्यो अले भारत पाकिस्तान व चीन दश्वी इतिहासकालनिसें विवाद जुयोच्चंगु लागाय् हस्तक्षेप यागु मोदीया फासीवादी चरित्र खः धायोदिल ।

वयकलं भारतीय हस्तक्षेप विरुद्धयाड च्वंगु काश्मीरी जनताया संघर्षयाता न्यायप्रेमी सकल जनता तय्सं ऐकेवद्धता प्वंकेमःगु खाँ कड दिसे जलाखालाया छँ मिन्वसेलिं थःगु छँ नं मिन्वय्यो धायो होस याय्मः धायो दिसें नेपालया सार्वभौमिकता म्वाक तयगु खःसा भारत नपांया खुल्ला सिमाना बन्दयाड नियमित यासें आना नेपाली सेना व सशस्त्र प्रहरी परिचालन याय् मःगु अले नागरिकता ऐनखे कडाइ याय् मःगु खाँ धवाथुइक दिल ।

पार्टीया केन्द्रीय दुज नपां ख्वप नगरपालिकाया प्रमुख सुनिल प्रजापतिजुं साम्राज्यवादी देशं गु गु नं देशे राजनैतिक हस्तक्षेप याय् हँ थःपुं दलालत दय्क तैगुलिं काश्मीर भारतं हमला याडा नं अःतक



नेपःया शासक दलतः म्हूतुई धौ फिड च्वंगुलिं अपुं भारतीय दलाल खः धायोदिल । वयकलं भक्तपुर क्यान्सर अस्पतालं ब्यवस्थापन जिम्मेवार नपां नगरपालिकां वियागु जग्गा शर्त विपरित गैर सरकारी संस्थां दुरुपयोग यागुलिं ख्वप नगरपालिकां न्हगु ब्यवस्थापन समिति निस्वाने मःगु खाँ ब्याक दिल । वयकलं विरामी पिन्ता दांक व गुणस्तरीय उपचार सेवा वियता स्थानीय जनता, अस्पतालया चिकित्सक, कर्मचारीया पूर्ण समर्थने जनप्रतिनिधिपिसं थःगु जिम्मेवारी वहन याडागु खाँ कड दिल ।

उगु ज्या इवः सं पार्टीया वैकल्पिक केन्द्रीय दुजः नपां प्रदेश सभा सदस्य सुरेन्द्र राज गोसाइँजुं जम्मु-काश्मीर घटना भारतया आन्तरिक मामिला मखुसें भारतीय सेनां काश्मीरी जनता तय्ता ब्यारेके कुड अन्तर्राष्ट्रिय समुदाय नपां तापाक्क तयो जघन्य मानव अधिकार हनन यागुलिं अन्तर्राष्ट्रिय चासोया विषय जुइगु स्वाभाविक खः धायोदिल ।

उगु ज्या इवःसं वडाध्यक्ष रविन्द्र ज्याख्वः व ने.क्रा.वि. संघया नायो सविन खयाजुं नं जम्मु-काश्मीरया अःया अवस्थाबारे कड द्यगु खः ।

ख्वप नगरपालिका नगरवासीतय्गु थगु हे संस्था खः  
करदातातय्सं इल्यहे कर पुलदिसँ  
नगर विकासयाय्ता ग्वाहाली याड दिसँ



## नगर प्रमुख प्रजापतिज्याता क्यान्सर अस्पताले लसकुस

२०७५ भदौ १

खप नगरपालिकाया प्रमुख एवं भक्तपुर क्यान्सर अस्पतालया न्हँगु ब्यवस्थापन समितिया नायो सुनिल प्रजापतिज्याता आइतबार भक्तपुर क्यान्सर अस्पतालया मेडिकल डाइरेक्टर प्रा.डा. ऋषिकेश नारायण श्रेष्ठजुं लसकुस याड दिल । उगु ज्या इवः सं संघीय सांसद नपां अस्पताल ब्यवस्थापन समितिया सल्लाहकार प्रेम सुवाल जुं गरिब नेपाली जनतातय्ता दांक व भिंक स्तरीय उपचार याकेता थुगु अस्पतालता खप नगरपालिकां मःगु जग्गा व आर्थिक सहयोग यागु खाँ कड दिसें न्हँगु ब्यवस्थापन समितिं श्वनं न्हपा अस्पताले जुयो च्वंगु अनियमितता मदय्क बांलाक अस्पताल सञ्चालन याय्ता न्हँगु ब्यवस्थापन समिति निस्वांगु खाँ कड दिसें उगु न्हँगु ब्यवस्थापन समिति कर्मचारी

पारदर्शितायाता उच्च प्राथमिकताखय् तयो ज्या सानेगु प्रतिबद्धता प्वकसें अस्पतालया हित जुइगु ज्या सानिपिन्ता उत्साहित यासें भागवण्डा पक्षपात व आर्थिक अनियमितता बन्द याय्गु खाँ कड दिल ।

वयकलं थजगु खाँ वयालिं तसां मत छुड, खां सां मखां छुड जुयगु थप बर्बादी याय्थे जुइगुलिं आर्थिक अनियमितता याइपुं न्ह्याम्हाहे जुसां कानुनी दायराय् वयमःगु व नगरपालिकां जनस्तरं व कानुनी हिसावं आर्थिक अनियमितता याइपिन्ता जनताया दश्वी थाने हय्गु खाँ कड दिसें भक्तपुर क्यान्सर अस्पताल सुयाम्हां 'दुरु न्हयाय् दःम्हां मेचा'



भक्तपुर क्यान्सर अस्पताल कल्याणकारी समितिया की ज शिवराम धुख्वाजुं अस्पतालया ल्याव व फार्मसी खय् जुयो च्वंगु भ्रष्टाचारया विषय उल दिसे पुलांपुं ब्यवस्थापन समितिया दुजः पिसं ख्याचव बियो च्वंगु खाँ कड दिल ।

उगु ज्या इवःसं भक्तपुर क्यान्सर अस्पतालया प्रशासन प्रमुख राजाराम तःजले जुं नं नुगः खाँ कड दिल ।



पिनिगु वृतिविकास नपां विरामीपिन्ता गुणस्तरीय सेवा विइकेता हज्याइ धायो दिल । पुलांगु ब्यवस्थापन समितिया पदाधिकारीपिन्ता नपालाय्गु पटक-पटक कुतः जुसां वयकपुं सम्पर्क मवगुलिं वयकलं आपति नं प्वक दिल ।

नगरप्रमुख सुनिल प्रजापति जुं न्हँगु ब्यवस्थापन समिति आर्थिक अनुशासन व

मयाकेगु खाँ कड दिल ।

उगु ज्याइवःसं भक्तपुर क्यान्सर अस्पतालया मेडिकल डाइरेक्टर प्रा.डा. ऋषिकेश नारायण श्रेष्ठ जुं अस्पताले जुयोच्वंगु अनियमितता व भ्रष्टाचार रोके याय्ता व संस्था म्वाक तय्ता नगरपालिकां छिगु पलायाता बांला धासें लसकुस याडदिल ।

### खप नगरपालिका

नगर कार्यपालिकाया कार्यालय  
ब्यासी, स्वप

खप नगरपालिकां अडियो नोटिस सेवा हचिकगुलिं नगरपालिकायागु सूचं व ज्या भवः क्वय् च्वयतःगु नम्बरखय् डायल यड न्यने फँगु खाँ फुक्कंसिता ब्याक च्वडा ।

Audio Notice Number:

१६१८०१६६१००९६

## भक्तपुर क्यान्सर अस्पताले छानविन समिति निस्वान

२०७६ मदी १

ख्वप नगरपालिकाया वडा नं १ खय् भक्तपुर क्यान्सर अस्पतालयाता ब्यवस्थित अले जन उत्तरदायी काथं न्ह्याकेता नपां म्हवचा धेवां विरामिपिन्ता गुणस्तरीय सेवा वियता निस्वांगु न्हूगु ब्यवस्थापन समितिया बैठक आइतबार चवन ।

जनस्तरं नपां सः श्वयकसेलीं लच्छीया दुने सत्य-तथ्य छु खः? थुइक सार्वजनिक याय्ता भ.न.पा. वडा नं. ९ या वडाध्यक्ष रविन्द्र ज्याख्वः या कजिलय् दुजःपुं लेखा परिक्षक कृष्ण गोविन्द्र लाखा व अधिवक्ता अनिता जधारीया छगू छानविन समिति निस्वान ।

उगु बैठक भक्तपुर क्यान्सर अस्पतालया सुचुकुचु ज्याखय् श्वनं न्हपा भरोसा सर्भिसेज प्रा.लि. महाराजगंज येँ नपां ठेक्का सम्भौता याड सफाई मजदुरतय्ता

ज्या सांक वयो च्वंगुलि अस्पताल प्रशासनं ब्यूगु मासिक पारिश्रमिक कम्पनीपाखें अमिगु लाहातय् मब्यूसें श्रमशोषण यागु गुनासो वसेलिं थौया न्हिल्या निसें भरोसा सर्भिसेज प्रा.लि. नपां थुगु अस्पतालं यागु सम्भौता भंग याय्गु निर्णय यात, नपां उगु कम्पनिपाखें न्हियान्हिथं इमान्दारी पूर्वक सुचुकुचु याड वयो च्वंपुं सुपर भाइजर छम्हा व सफाई कर्मचारी त ३७ म्हा सिता अस्पतालया सुरु तहया कर्मचारी काथं नियुक्ति याय्गु, वयक पिन्ता अस्पतालया नियम काथं मासिक तलब व सुविधा वियगु निर्णय यात ।

बैठकं अस्पताले ज्यासाड च्वंपुं कर्मचारीपिनिगु अन्तिम पदोन्नति जूगु मिति निसें २०७५ चैत्र मसान्ततक डादाया स्थायी नोकरी अवधि थ्यंपुं कर्मचारीपुं नपां मौजुदा कर्मचारी प्रशासन



नियमावली काथं तह वृद्धि याय्गु नेदाया कार्यकाल पूरा जुय धुंकपुं चिकित्सक (रजिष्टार स्वयो च्वयथा) नेम्हा व डादा कार्यकाल पू वांके धुंकपुं गुम्हा कर्मचारी पिन्ता नियमावली काथं स्थायी नियुक्ति वियगु निर्णय यात ।

अस्पताले ज्यासाड च्वंपुं कर्मचारीपिसं २०७५ चैत्र मसान्त हाँतक वियो वयो च्वंगु घरविदा, पर्व विदा, बिरामी विदा, नपांया विदा सुविधा मेगु ब्यवस्था मजु तलेया लागिं यथावत कायम याय्गु निर्णय जुल ।

## ख्वप नगरपालिकाय् टोखा नगरपालिकाया जनप्रतिनिधिपुं स्वःभाल

२०७६ मदी ३

ख्वप नगरपालिकाया प्रमुख सुनिल प्रजापतिजु नपां टोखा नगरपालिकाया उपप्रमुख ज्ञानमाया डंगोलया न्हयलुवाय् भ्रःपुं जनप्रतिनिधिपिन्ता नगरपालिकाया सभाकक्ष लसकुस याड दिसे ख्वप नगरपालिकां याड वयो च्वंगु फोहोर मैला ब्यवस्थापन व विकास निर्माणया ज्याया जानकारी बियो दिल ।

वयकलं हिगंतुं वडाय् ध्वगिइगु व ध्वमगिइगु फोहर त ट्राइसाइकल पाखें मुड हयोच्वंगु नपां लिपाथ्यंकया दीर्घकालीन समाधानया लागिं विशेषज्ञ टोली मुकं अझ ब्यवस्थित याय्ता ज्या

जुयो च्वंगु खाँ कड दिल ।

वयकलं ख्वपया लोकं हवागु जात्रा शान्तिपूर्ण व मर्यादित काथं न्ह्याकेता प्रहरी प्रशासन नपां समन्वय याड ज्या साड च्वडागु ख्वपे सुरक्षा व सुचुकुचुया गतिविधि सिसि टीभी पाखें निगरानी याड च्वंगु व ल्यासे ल्याम्हो पिन्ता लाहातय् ज्या दैगु थी थी तालिम बियो वयो च्वंगुखाँ कड दिल ।

उपप्रमुख रजनी जोशीजु बौद्धिक अपांगता जुपुं नगरबासी पिन्ता अपाङ्गता सम्बन्धी म्हासिइका पौ लःल्हाडागु ऐतिहासिक रानीपुखुली सर्वसाधारण जनता तनं दुथ्याकेता नेपाली सेनानाणं

खाँ लहाड चवडागु खाँ कड दिल ।

टोखा नपाया उपप्रमुख डंगोलं अमिगु आम्दानीया मूख्य स्रोत कर जक जुगुलिं फोहर ब्यवस्थापन छगू चुनौती जुयो च्वंगु खाँ कड दिसें ख्वप नगरपालिका पाखें फोहर ब्यवस्थापनया खाँ थुइकेगु इच्छां वयागु व अमिथाय् अपलं अनियमित निर्माण दःगु नपां जनता तयूता करया दायराय् ह्यगु कुतःजुयो च्वंगु खाँ कड दिल ।

उगु नपालाय्गु ज्या इवः सं टोखा नपा वडा नं. ९ या वडाध्यक्ष जे.पि. नेपाल कार्यपालिका दुजःपुं कल्पना घिमिरे, लिता भुजेल, उर्मिला विक. पार्वती अधिकारी, शोभा तामाड व वनस्थली कलेजया प्राचार्य टंक चापागाईं नं भःगु खः ।



## ख्वप नपाया प्रमुख व नेपाल क्यान्सर रोग निवारण संस्थाया पदाधिकारी पुं नपालाड सल्लाहला यात

२०७६ मठौ ६

ख्वप नपाया प्रमुख अले भक्तपुर क्यान्सर अस्पताल ब्यवस्थापन समितिया नायो सुनिल प्रजापति व नेपाल क्यान्सर रोग निवारण संस्थाया विशिष्ट पदाधिकारीपुं नपां ख्वप न.पा.या सभाकक्ष नपालाड खँलाहला याय्गु इवःलय् वयकं अःयाय्गु स्थितिबारे जानकारी ब्यसें क्यान्सर अस्पताल फुक्क सिया साभा अस्पताल जुगुलिं थुगु अस्पताल जोगेयायूता अस्पताले जुयो च्वंगु भ्रष्टाचारया विरुद्ध संघर्ष याड च्वंपुं अस्पतालया चिकित्सक,



कर्मचारी स्थानीय जनता व भक्तपुर क्यान्सर अस्पताल सहयोग समिति पाखें अस्पतालया सञ्चालन व ब्यवस्थापनया जिम्मेवारी ख्वप नगरपालिकां कायम धायो लिखित अनुरोध यागु खाँ कड दिल । वयकलं क्यान्सर अस्पतालया जिम्मेवारी पदाधिकारीपिता पटक-पटक सम्पर्क याडा नं नपालाय्गु कुतः मयागु अले स्थानीय जनप्रतिनिधिया नातां थःगु लागु दुनेया अस्पताले खाने दःगु समस्या तुरुन्त समाधान याड बांलाक व ब्यवस्थित काथं न्ह्याकेगु व

बिरामी तय्गु उपचारे छुं नं पंगः थमव धाय्गु उद्देश्य काथं नगरपालिकां भक्तपुर क्यान्सर अस्पताल ब्यवस्थापन समिति निस्वांगु खः धायोपदल ।

वयकलं अस्पताल ब्यवस्थापन समितिया पूर्व पदाधिकारीपिसं अस्पताल सञ्चालन, डाक्टर व कर्मचारी नियुक्ति, ल्याव, फार्मसी सिटी स्क्यान सेवालगायते अपारदर्शितां निजी क्षेत्रनपां सम्भौता, भवन निर्माण कार्यया ठेक्काख्य अनियमितता जुगु विषय छु खः ? सत्य तथ्य खाँ सिइक सार्वजनिक याय्या लागिं छगु छानविन समिति दयक ज्या न्ह्याके धुंकगु जानकारी बियोदिल ।

उगु नपालाय्गु ज्या इवःसं नेपाल क्यान्सर रोग निवारण संस्थाया प्रतिनिधिपिसं भक्तपुर क्यान्सर अस्पताले जुयोच्वंगु अनियमितता व भ्रष्टाचारया विषय घच्यापुगु खाँ खः धायोदिसे नगरपालिकां पुलांगु ब्यवस्थापन समितिनपां सल्लाह याड गल्ती सचे याय्गु अवसर वियदःसा ज्यूला धायो पटक-पटक नपा लाय्गु कुतः याडा नं वेवास्ता याड च्वंगुलिं थजगु संक्रमणकालया इलय ख्वप नगरपालिकां छिगु पला सकारात्मक खः धायो दिल ।

उगु ज्याइवःसं ख्वप नगरपालिका या वडाध्यक्षपुं व नेपाल क्यान्सर रोग निवारण संस्थाया पदाधिकारीपुं मणिध्वज जोशी डा.राजेन्द्र प्रसाद बराल, प्रा.डा. प्रदीप बैद्य, विश्वभक्त राजभण्डारी, दिवाकर राजकर्णिकार व अस्पताल ब्यवस्थापन समितिया पूर्व कोषाध्यक्ष अनन्त प्रसाद धौभडेल लगायत याय्गु उपस्थित जूगु खः ।



खप पौ

## विरामी पिनिगु गुणस्तरीय उपचार सेवा जिमिगु उद्देश्य खः नगरप्रमुख सुनिल प्रजापति



२०७६ मदी ६

खप नगरपालिकाया गवसालय शुक्रवार भक्तपुर क्यान्सर अस्पतालया बारे पत्रकारतनापं नपालाड खप नगरपालिका प्रमुख अले भक्तपुर क्यान्सर अस्पताल ब्यवस्थापन समितिया नायो सुनिल प्रजापतिजुं गुलिनं सञ्चार माध्यमं पूर्वाग्रही भावं भ्रामक समाचारत पिढवयो च्वंगुलि आपत्ति प्वंकसे नगरपालिकाया उद्देश्य क्यान्सर पीडित जनता तयगु बांलाक उपचार यायगु बाहेक मेगु छुंहे उद्देश्य मरुगु खाँ कड दिल । खप नगरपालिका पारदर्शिताया नमूना व आर्थिक अनुशासने प्रतिवद्ध नगर जूगुलिं नगरपालिका क्षेत्र दुने सञ्चालन याड च्वंगु अस्पताले अनुगमन यायगु अधिकार क्षेत्रेदुने लागु खाँ कड दिल ।

ज्याइवःसं उपस्थित जूपुं थी थी सञ्चार माध्यमया पत्रकार पिनिगु

जिज्ञासाया लिसः ब्यूसें प्रमुख प्रजापतिं एन.जि.ओ., आइएन जि.ओ. त कानून स्वयो च्वयचवने मफैगुलिं अमिसं याइगु आर्थिक अनियमितता व भ्रष्टाचारनं छानविन यायमःगु खाँ कड दिसे छुंनं संस्थाय भ्रष्टाचार थःमजु धायगु नगरपालिकाया उद्देश्य खः धायोदिल भक्तपुर क्यान्सर अस्पताल जनताया अस्पताल जूगुलीं जनताया सम्पति काथं विकास यायगु धारणा प्वंकदिल ।

उगु ज्या इवःसं भक्तपुर क्यान्सर

पीडित जनता तयगु सेवा याड वयो च्वंगु तथ्यांक प्रस्तुत यासे न्हूंगु ब्यवस्थापन समिति निस्वाने धुडानि अस्पतालया कर्मचारीतयगु मनोबल थाहाँ वयो अपलं लगनशील जुयो बिरामी पिनिगु सेवा याड च्वंगु, आता छुं हे सेवाया कमि मजुगु जानकारी बियो दिसें भदौ १ गते निसें फुक्क किसिमया ल्वय्या अपरेशन सञ्चालन याडागु खाँ प्वंक दिल ।

खप न.पा. ९ वडाध्यक्ष नपां भक्तपुर अस्पताल छानविन समितिया कजि



अस्पतालया मेडिकल डाइरेक्टर नपां अस्पताल ब्यवस्थापन समितिया सदस्य प्रा.डा.ऋषिकेश नारायण श्रेष्ठ जुं भक्तपुर क्यान्सर अस्पताल देशां देछिया क्यान्सर

रविन्द्र ज्याख्व जुं अःयायगु भक्तपुर क्यान्सर अस्पतालया अवस्था काड दिसें भक्तपुर क्यान्सर अस्पताल सम्बन्धी नगरपालिकाया प्रेस वक्तव्य प्रस्तुत याड दिल ।

## प्रमुख प्रजापतिजुं साकोलानेच्वंगु ताहाफल्चा उलेज्या याड दिल

२०७६ मदी ७ गते

खप नगरपालिका प्रमुख सुनिल प्रजापतिजुं वडा नं. ९ साकोलाने च्वंगु ताहाफल्चाया उलेज्या यासे खप नगरपालिकाके सम्पदा संरक्षणया लागिं मःक्व बजेट मरुसां जनसहभागिता व जनश्रमदान पाखें खपया सम्पदात म्हवःजक धेवां उपभोक्ता समिति

पाखें सम्पदा ल्हवड च्वंगु व खपया ऐतिहासिक रानी पुखु व भाजुपुखु ल्हवनेगु ज्या हज्याड च्वंगु आ.व.२०७६/७७ सं टौमढीया डातापोल्हँ ल्हवनेगु खाँ कड दिसे नगरपालिकां ब्यक्ति विशेषयाता मखु समाजया हितया नितिं ज्या सानी धायोदिल ।

खप नपां न्हयाकच्वंगु इञ्जिनियरिङ्ग कलेजं देशां देछिया



विद्यार्थीपिन्ता दांक बांलाक गुणस्तरीय शिक्षा बियो वयो च्वंगु ख्वपदेया विकासं राज्यया प्रतिष्ठा बढे जुइगुलिं थुखेपाखे ध्यानतयमःगु नपां भक्तपुर क्यान्सर अस्पतालं याड च्वंगु भ्रष्टाचार अनियमितता पाखें बचेयाय्ता अस्पताल ब्यवस्थापनया जिम्मा कायमःगु खाँ कड

दिल ।

अथेहे वडाध्यक्ष (९) रविन्द्र ज्याख्व जुं न्हँगु पुस्ताता समाजप्रति उत्तरदायी यायां ब्यक्तिवादी चिन्तनं मुक्त याड ख्वपया मूर्त अमूर्त सम्पदा म्वाक तय्यालागिं अभिप्रेरित याय् मःगु खाँ कड दिल ।

साविक वडा नं ३ या पूर्व वडाध्यक्ष विष्णु बहादुर मानन्धरजुं उगु ताहाफल्चाया ऐतिहासिक महत्व कड दयूगु खःसा ९ नं वडाया प्राविधिक इञ्जिनियर अर्हत बज्राचार्य जुं फल्चा पुनः निर्माणया लागत इस्टिमेट २४,८९,८९० तका दःगुलि २२,४०,४७० तकां फल्चा पुनःनिर्माणया ज्या क्वचःगु खाँ कड दिल । नपां ९ नं वडा सदस्य, अनुगमन समितिया कजि जगत लाल मानन्धर, उपभोक्ता समितिया छयाञ्जे सरिता मानन्धर उपभोक्ता समितिया नायो तुलिकाजी मानन्धर दुजःविष्णु ब. मानन्धर व दांभारी रामकृष्ण मानन्धर जुं नं थःगु नुगु खाँ प्वंक गु खः ।

## ‘गाईचा म्यें मुना’ साफुया चिरिव फेनेगु ज्या जुल

२०७६ भदौ ७ गते

नेपाल मजदुर किसान पार्टीया नायो नारायणमान बिजुक्छें (रोहित) या मू नायोलय शनिबार नेपाल भाषाया गाईचा म्यें मुना साफुया चिखि फेनेगु ज्या याड दिसे वयकलं जनताया पक्ष ज्या सानिपुं मनूत न्ह्याब्लें जनतां नुगलय् तयो तैगु खाँ कडदिल । आशाकाजी बासुकला स्मृति प्रतिष्ठानया गवसालय् जूगु उगु ज्या भूवसं नेमकिपाया नायो रोहितजुं गाईचा म्यें चवयो योगदान याड दयूम्हा जनकवि चन्द्रबहादुर उलकज्यूयाता नं दोसल्ला डयूक हनाःपौ लःल्हाड दयूगु खः ।

उगु ज्या भूवःस रोहितजुं २०४५ सालया भक्तपुर काण्ड उब्लेया पञ्चायती सरकारं नेपाल मजदुर किसान पार्टीता षडयन्त्रया गवसःगवयो हाँग नपां ल्यं थानेगु मतिं यागु खाँ कडदिसें नेमकिपाया नेता कार्यकर्तात न्ह्याथाय् हे वांसां जनतातय्ता थुइके वियगु ज्याः त्वःमतःगु व जेले दुने मरुम्हा आशाकाजी बासुकलां यागु योगदान याय् चर्चा याड दिल । नपां थुगु घटनां ख्वपया जनतात गुब्लेनं सुयागुं हःने कपः क्वमछुसैं थःगु तुती थःहे दाड आत्मनिर्भर जुयो समाज सेवा खय् हज्याय् फैगुं बानी विकास जूगु खाँ कड दिल ।

उगु ज्या भूवःसं ख्वप नगरपालिकाया प्रमुख सुनिल

प्रजापतिजुं साहित्य समाजया न्हयूकंजक मखु ख्वपया जात्रायाता हिसि ख्याली स्वयो अप्वः जनताया चेतनास्तर थाकायो समाजयाता हः चिइकेता ग्वाहाली जूइगु काथं चवय्मः, छ्यलेमः धायोदिल । वयकलं गाईजात्रा पर्वया लसताय् पिथांगु गाईचा म्यें मुना साफुं समाजे दयो च्वंगु विकृति व विसंगतियाता उलक्यड सकसिनं धवाथुइगु जनबोलीं न्वाइगुलिं थव छगू नेपाली साहित्य ख्यलय् न्हँगु आयाम काथं ब्वलाड च्वनिगु विश्वास प्वंक दिल ।

नेपाल भाषा साहित्य तः मुंज्याया नायो चन्द्र बहादुर उलकज्यूं थुगु गाईचा म्यें खं स्याचुक ध्याचुक जनतातय्ता सचेत याइगु विधा जूगुलिं थुकिया इतिहास मालेमः गु खाँ कड दिल ।

अथेहे त्रि.वि. नेपाल भाषा केन्द्रीय विभागया नायो ओमकारेश्वर श्रेष्ठ जुं थुगु गाईचा म्यें ज्वः मरुगु विधाखः धायोदिसैं थुगु साफु राजनैतिक ब्यड्ग दःगु छगू स्यल्लागु साफू खः धायो दिल ।

थुगु ज्या भूवःसं प्रकाशन समितिया कजि कुमार भक्त रञ्जित, प्रतिष्ठानया संस्थापक नायो ज्योतिकिरण बासुकला, दुजः पुं राजकिरण बासुकला व रोजा किरण बासुकला पिसं नं थःगु नुगुः खाँ प्वंकगु खः ।

ज्याभूवः लिपा ख्वप न.पा. वडा नं. २ गाईचा प्याखं पुचः पाखें गाईचा प्याखं क्यंगु खः ।

# ख्वप नगरपालिकाया कर्मचारी व जनप्रतिनिधिपिसं भक्तपुर काण्डया विरोधय् प्रवचन कार्यक्रम यात

२०७६ मदीं ७

नेमकिपायाता हाँग नपां ल्यं थानेगु मतिं षडयन्त्रयाड २०४५ भाद्र ९ गते राज्यस्तरं गवसःगवयो षडयन्त्रयाड यागु भक्तपुर काण्डया विरुद्धय् जूगु प्रवचन ज्या इवःसं मू पाहां ने.म.कि.पा.या छयाञ्जे नपां संघीय सांसद प्रेम सुवाल जुं भक्तपुर क्यान्सर अस्पताले नगरपालिकां लाहातल धःसा हकनं भक्तपुर काण्ड याड विरुद्ध नेपाली कांग्रेसं ब्यूगु धम्की स्वयवले २०४५ सालया भक्तपुर काण्डखय् नेपाली कांग्रेसं मिले जुयो यागु खःला जक शंका प्वंक दिल । वयकलं उगु काण्ड जर्मने जूगु राइखस्टाग काण्ड नपां ज्वःलाक कड दिसें भूटो षडयन्त्रयाड यागु काण्डया खाँ धायो दिसें कर्मचारीपुं गलत ज्या सानिपिनिगु हःने कपः क्वष्टुय् मज्यु बरु देश व समाजया नितिं मग्यासैं इमानदारी पूर्वक ज्या सानेमःधायोदिल ।

वयकलं जम्मू काश्मीरया विषय संसदे व सडके नुवाड च्वंपुं नेमकिपा जक खः धायोदिल । नेकपां समृद्ध नेपःव सुखी नेपालीया नारा बियो जनताता भांगःलाड च्वंगु खः धायोदिल । राजनीतिक अस्थिरतां भूगुदेश भूटान थें जुयफःगु खाँखय् सचेत यासे भुट्टा मुद्दाया हःने मग्यासैं अडानकायो हज्याय्मःधायो दिल । नेमकिपाया केन्द्रीय दुजः नपां ख्वप नगरपालिकाया प्रमुख

## भक्तपुर क्यान्सर अस्पताले जुयो च्वंगु

भक्तपुर क्यान्सर अस्पताले जुयो च्वंगु आर्थिक भ्रष्टाचारयाता कायो ख्वप नगरपालिका १ वडा निसैं १० वडा तकया वडाबासीपिसं बिहिबार ख्वप नगरपालिका प्रमुख सुनिल प्रजापतिया ध्यानाकर्षण याड छगू ज्ञानपन पत्र बिल ।

ज्ञापन पत्र लःलाड कासैं प्रमुख प्रजापतिजुं क्यान्सर अस्पताल सं छम्हा व्यक्तिं खोलेयागु मखुसैं सार्वजनिक हितया नितिं चाय्कगुलिं नगरपालिकां जग्गा व आर्थिक ग्वाहाली याडागु खाँ कड दिसैं नगरबासी पिनिगु न्यायोचित खाँ खं थःगु ध्यानाकर्षण जूगु खाँ कड दिल ।

थुकिं लिपा नगर प्रमुखया न्हयलुवाय् जनप्रतिनिधिजुपुं थुगु अस्पतालया पदाधिकारी जुपुं नपालाड खाँ थुडकेगु मतिं आना भःवले सुं हे व्यवस्थापन समितिया पदाधिकारीपुं मरुगु अले फोनं नपालाय्गु कुतः यासां सुनं हे फोन मल्हासैं वेवास्ता यागुलिं



सुनिल प्रजापति जुं पञ्चायती व्यवस्थां नेमकिपायाता पुसा हे बाकी मतसैं सिध्यकेगु मतिं यागु भक्तपुर काण्डया राज्यस्तरया षडयन्त्रया विरुद्धय् दायें दँसं विरोध कार्यक्रम याड वयागु खाँ कड दिसैं भक्तपुर काण्डं सत्यता नितिं मग्यासैं दानेमःगु ज्ञान ब्यूगु खाँ कड दिल ।

उगु ज्या इवःसं उपप्रमुख रजनी जोशी, वडाध्यक्ष उकेश कवां (७) व हरिराम सुवाल (६) पिसं नं नुग खाँ प्वंक द्यगु खः ।

## आर्थिक भ्रष्टाचारया विषय ज्ञापन पत्र

अस्पतालया मेडिकल डाइरेक्टर ऋषिकेशनारायण श्रेष्ठ नपां खँलाबल्हा याड दिल । प्रमुख प्रजापतिजुं भक्तपुर क्यान्सर अस्पतालया बारे भ्रष्टाचार जुला दक पत्र-पत्रिकाय् वगु खाँ खं ध्यानाकर्षण जुयो वयागु खाँ कड दिसैं अस्पताल निस्वांसां निसे ख्वप नगरपालिका समितिया दुजः खःसां नं छु हे वैठके सःमतगुलि आपति प्वंकसैं थुगु अस्पतालं देशांदिछिया ल्वगितय्गु उपचार याड च्वंगुलिं थुकियाता बांलाक न्हयाकेमःगुलिं मःकाथं पहल याय्गु खाँ कड दिल ।

मेडिकल डाइरेक्टर ऋषिकेशनारायण श्रेष्ठजुं अजगु अनियमितता व भ्रष्टाचारया खाँ वसेलिं उकिया सत्य तथ्य छानविन याड अस्पताल व्यवस्थित काथं न्हयाक बिरामी तय्गु उपचार काथंछिंक याय्ता नगरपालिका उपस्थित जुयमःगु खाँ खय् बःबियो दिल ।

सापारु २०७६ या घिन्ताङगिसी स्वयो दयूपुं  
नगर प्रमुख, उपप्रमुख न पां मे मे पुं (२०७६ साउन ३२ गते)



सापारुया छपुलु (दृश्य)



**टोखा नगरपालिका (यैँ) या जनप्रतिनिधिपुं ख्वप नगरपालिकाय्  
(२०७६ मद्दौ ३ गते)**



**ख्वप नगरपालिकाया जनप्रतिनिधिपुं नपां जम्मु-काश्मिरया  
मामिलाबारे प्रवचन (२०७६ साउन ३२ गते)**

